

# ԲԵՆԵՄԻՆԿԱՆ ՄԱՅՐ ԱԹՈՒՄ

**ՄԱՅՐ ԱԹՈՒՄ ՍՈՒՐԲ ԷԶՄԻԱՏՆԻ  
ԿՐՈՆԱԿԱՆ, ՄՇԱԿՈՒԹԱՅԻՆ,  
ԼՐԱՏՎԱԿԱՆ ԵՐԿՇԱՐԱԹԱԹԵՐԹ**

## Ամենայն Հայոց Կաթողիկոսն ընդունեց Բուլղարիայի հանրադատության նորանշանակ դեսպանին

Հունվարի 17-ին Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսն ընդունեց Հայաստանի Հանրապետությունում Բուլղարիայի Հանրապետության արտակարգ եւ լիազոր դեսպան Մարիա Պավլովա Տոգորկովա-Կայմակչիեային:

Ողջունելով դեսպանին՝ Նորին Սրբությունը փաստեց, որ հաճելի է հայ ժողովրդի հոգեւոր նվիրական կենտրոնում Բուլղարիայի Հանրապետության նորանշանակ դեսպանին ընդունելը: Վեհափառ Հայրապետը հավելեց, որ դեռեւս միջնադարից սկսյալ՝ հայ եւ բուլղար ժողովուրդները մշտապես ունեցել են ջերմ, բարեկամական եւ գործակցային հարաբերություններ:

Այնուհետեւ խոսք ասաց նորանշանակ դեսպանը: Տիկին Մարիա Պավլովա Տոգորկովա-Կայմակչիեան անդրադարձավ Բուլղարիայում հայ համայնքի կյանքին, հայրողիների ակտիվ ներգրավվածությանը երկրի հասարակական, քաղաքական եւ մշակութային կյանքում: Դեսպանն ընդգծեց, որ հայ համայնքը յուրօրինակ կապող կամուրջ է Հայաստանի եւ Բուլղարիայի միջեւ: Վերջինս վստահեցրեց, որ



իր պաշտոնավարման ընթացքում պիտի անի ամենը՝ նպաստելու երկու երկրների գործակցության եւ փոխհարաբերությունների առավել զորացմանը:

Այս կապակցությամբ Նորին Սրբությունը գոհունակությամբ շնշտեց, որ բուլղարական իշխանությունների բարյացակամ վերաբերմունքի շնորհիվ Բուլղարիայի տարբեր քաղաքներում ձեւավորված հայկական համայնքները շարունակում են ապրել իրենց ազգային եւ հոգեւոր կյանքով: Հայոց Հովվապետն ի մասնավորի ընդգծեց, որ այդ հոգածությունը հայ ժողովրդի զավակների՝ Բուլղարիայի կյանքում ունեցած ազնիվ վաստակի գնահատանքն է:

Զրույցի ընթացքում Ամենայն Հայոց Կաթողիկոսը վերհիշեց իր հովվապետական այցը Բուլղարիա, անդրադարձ կատարվեց նաեւ Հայաստանյայց Առաքելական Ս. Եկեղեցու եւ Բուլղար Ուղղափառ Եկեղեցու եղբայրական հարաբերությունների:

Վերջում Ամենայն Հայոց Կաթողիկոսն առ Աստված աղոթքով դեսպանին մաղթեց բարի առաքելություն եւ արդյունավետ ծառայություն:

Հանդիպմանը ներկա էր նաեւ Մայր Աթոռ Սբ Էջմիածնի արտաքին հարաբերությունների եւ արարողակարգի բաժնի տնօրեն Նաթան արք. Հովհաննիսյանը:

## Ամենայն Հայոց Կաթողիկոսն ընդունեց Մայր Աթոռի դաշնակցությանը

Հունվարի 13-ին՝ Տեր Հիսուս Քրիստոսի անվան կոլոնիայում տոնին, Մայր տաճարում մատուցված սբ Պատարագի ավարտին Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսը Գեւորգյան հոգեւոր ճեմարանի դահլիճում ընդունեց Մայր Աթոռ Ս. Էջմիածնի պաշտոնեական ղեկավար Բուլղարիայի Մայր Աթոռի վարչատնտեսական բաժնի տնօրեն Մուշեղ եպս Բաբայանի:

Բացման խոսքում Մուշեղ սրբազանը Մայր Աթոռի պաշտոնեական անունից շնորհավորեց Նորին Սրբությանը՝ բերկրալի տոների առիթով եւ Հայոց Հորը փոխանցեց ամենքի սերն ու նվիրումը:

Սուրբ Էջմիածնի աշխատակիցների անունից Վեհափառ Հայրապետին շնորհավորական խոսք ուղղեց նաեւ Մայր Աթոռի «Էջմիածին» պաշտոնական ամսագրի գլխավոր խմբագիր, փիլ. գիտ. դոկտոր Արսեն Բորոխյանը՝ շնորհակալություն հայտնելով հայրական խնամքի եւ հոգածության համար:

«Անցած 2016 թ. հարուստ էր ձեռքբերումներով, բայց, դժբախտաբար, նաեւ կորուստներով: Չնայած բազմաթիվ խնչընդոտներին՝ պատերազմի եւ խաղաղության սահմանագծին գտնվող մեր երկիրը, այնուամենայնիվ, զարգացման լուրջ քայլեր կատարեց, եւ այս գործընթացում

խիստ էական էր Հայ Առաքելական Եկեղեցու դերը, որն իր անմիջական մասնակցությունը բերեց հայրենիքում եւ Սփյուռքում տեղի ունեցող գրեթե բոլոր իրադարձություններին:

2016 թ. սեպտեմբերին լրացավ Հայոց պետականության քառորդ դարը: Մի հին ժողովուրդ, որի անունը հիշվում է դեռեւս սեպագրերում՝ վաղուց վերացած քաղաքակիրթ ազգերի շարքում, այսօր, զառամյալ ծերունու փոխարեն, հառնում է որպէս 25-ամյա մի երիտասարդ, որի հոգեւոր առաջնորդությունը վստահված է Ձերդ Սրբությանը: Ձեզ վիճակվեց հովվապետել մեր ժողովրդին պատմական այն ժամանակաշրջանում, երբ մի կողմից թշնամու անընդմեջ հարձակումների, մյուս կողմից՝ երկրի սոցիալական ծանր վիճակի պայմաններում տղանք էր հազարամյա հայ ժողովուրդը:

Խոսելով նախորդ տարվա մասին՝ չենք կարող չանդրադառնալ ապրիլյան Քառօրյա պատերազմին, որից մեր ժողովուրդը հերթական անգամ պատվով դուրս եկավ: Այդ դժվարին օրերին Հայոց Ս. Եկեղեցին եւ Դուք, Վեհափառ Տեր, հայ զինվորի եւ ժողովրդի կողքին էիք:

...2016 թ. տեղի ունեցած իրադարձություններից բոլորը հնարավոր չէ թվել:

Հայոց կյանքում տեղի ունեցած իրադարձությունների այս առատությունն ու Հայ Առաքելա-

կան Եկեղեցու՝ դրանցում խաղաղացած կարեւոր դերն ու նշանակությունը փաստում են մեր Եկեղեցու կենսունակության բարձր աստիճանը»,- նշեց արն Բորոխյանը՝ մաղթելով, որ Վեհափառի օրհնությամբ ավելի բարեհաջող լինի 2017 թվականը՝ խաղաղ, ներդաշնակ եւ զերծ հոգեւոր ու նյութական անհանգստություններից:

Ապա Ամանորի եւ Ս. Ծննդյան տոների առիթով ներկաներին շնորհավորեց եւ իր հայրապետական օրհնությունն ու բարեմաղթանքները բերեց Գարեգին Բ Ամենայն Հայոց Կաթողիկոսը՝ փառք վերառաքելով առ Աստված՝ ան-

Գարեգին Բ Կաթողիկոսը հորդորեց նույն ոգով ու նախանձախնդրությամբ շարունակել իրենց բարեխիղճ ծառայությունը նաեւ 2017 թվականին, այն գիտակցությամբ, որ դրանով է պայմանավորված Եկեղեցու առաքելությունը, եկեղեցական կյանքում ծրագրվող ձեռնարկների հաջողությունը, ավելի ընդարձակ տեսականը՝ խաղաղությունը երկրի սահմաններում եւ բարօրությունը հայ ժողովրդի կյանքում:

Կարեւորելով ամենքի ծառայությունը նաեւ հայրենիքի առջեւ ծառայած մարտահրավերների հաղթահարման գործում Նորին Սրբությունը



ցած տարում Մայր Աթոռ Սբ Էջմիածնի եւ ընդհանրապես Հայ Եկեղեցու առաքելության արգասավորման համար:

Վեհափառ Հայրապետն իր գնահատանքը հայտնեց ներկաներին 2016 թվականին Եկեղեցու գործունեության կազմակերպման եւ անխափան ընթացքի համար ներդրած ջանքերի ու նվիրյալ ծառայության համար: Նորին Սրբությունը գոհունակությամբ ընդգծեց, որ յուրաքանչյուր կառույց եւ աշխատակից խղճի մտքը, պատասխանատվության զգացումով, հանձնառությամբ ու սիրով կարելի արեցին եւ նպաստեցին, որպեսզի արդյունավոր լինի ժողովրդին ու հայրենիքին բերած Եկեղեցու ծառայությունը:

հավելեց. «Վստահեցում եմ ձեզ, որ յուրաքանչյուրիդ աշխատանքը մեծ, հսկայական ներդրում է մեր երկրի առաջընթացի ու խաղաղության, մեր ժողովրդի ապահով կյանքի ու ձեռքբերումների համար: Յուրաքանչյուրիդ անձնական ներդրումն ու ծառայությունը կարեւոր նպաստ են այն իղձերի, երազների եւ տեսիլքների իրագործմանը, ինչին ձգտում է մեր ժողովուրդը: Եթե յուրաքանչյուրս մեր ծառայության մեջ անսակարկ նվիրումով մեր պարտականությունն իրագործենք, կունենանք մեր ցանկալի երկիրը»:

Հանդիպման ավարտին Ամենայն Հայոց Հայրապետը Պահպանիչ աղոթքով օրհնեց Մայր Աթոռի աշխատակիցներին՝ նրանց ընտանիքներին մաղթելով օրինյալ եւ բարեբեր տարի:

# Շքանշանի հանձնման արարողություն Մայր Աթոռ Սբ Էջմիածնում



Հունվարի 15-ին, հանդիսապետությամբ Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսի, Մայր տաճարում մատուցվեց Պատարագ, որի ընթացքում տեղի ունեցավ նաեւ շքանշանի հանձնում:

Նորին Սրբությունը Հայաստանյայց Առաքելական Սբ Եկեղեցու «Ս. Գրիգոր Լուսավորիչ» պատվո բարձրագույն շքանշան հանձնեց Մայր Աթոռ Ս. Էջմիածնի միաբան Փառեն արք. Ավետիքյանին՝ բարձրորեն գնահատելով Հայ Եկեղեցու անդատանում նրա վաստակը եւ տարիների ծառայությունը:

Օրվա խորհրդի շուրջ պատարագի մատուցած քարոզից հետո, «Էջ Միածինն ի Հօրե» շարականի երգեցողության Ներքո, Մայր Աթոռի լուսարարապետ Հովնան եպս Հակոբյանը ս. Խորան բարձրացրեց հայրապետական սրբատառ կոնդակը:

Կոնդակում, որն ընթերցեց Մայր Աթոռի քրիստոնեական դաստիարակության կենտրոնի տնօրեն Վարդան եպս Նավասարդյանը, ի մասնավորի նշված էր. «Սի-

րելի՛ Սրբազան, ուրախություն է Մեզ համար հայրապետական Մեր օրհնությունն ու բարեմաղթանքները բերել Ձեզ՝ Առաքելական մեր Սբ Եկեղեցու վաստակաշատ սպասավորի:

Այսօր ուրախ առիթն ունենք գնահատանքով անդրադառնալու Առաքելական մեր Սբ Եկեղեցու անդատանում Ձեր նվիրյալ սպասավորությանը: Անթիլիասի դպրեվանքում եւ ապա Երուսաղեմի Ժառանգավորաց վարժարանում ավարտելով Ձեր հոգեւոր ուսումնառությունը՝ Դուք ազգին ու Եկեղեցուն անձնվեր ծառայանվիրումի ուխտ կնքեցիք Տիրոջ Սուրբ Սեղանի առջեւ եւ ստանձնեցիք կուսակրոն հոգեւորականի առաքելությունը հավատավոր մեր ժողովրդի կյանքում:

Ձեզ պատասխանատու ծառայություն վստահվեց Երուսաղեմի Հայոց Պատրիարքությունում, այնուհետեւ Աստուծո կամոք հովվական սպասավորության կոչվեցիք ԱՄՆ Հայոց Արեւելյան թեմում՝ երկար տարիներ անվազ նախանձախնդրությամբ հոգեւոր սնունդ ջանքելով մեր


ժողովրդի հավատավոր զավակներին: Ձեր առաքելության մեջ կարեւոր հանգրվան դարձավ սպասավորությունը Դիթրոյթի համայնքում: Հովվական անխոնջ նվիրումով Դուք Եկեղեցու շուրջ միավորեցիք բարեպաշտ հայորդիներին եւ բարի գործերով ու նախաձեռնություններով շինություն ու պայծառություն հավելեցիք տիրախնամ համայնքին: Դիթրոյթի Ծուխի պատմության մեջ կարեւորագույն ձեռքբերումներից է Սբ Կոնստանտին Սկրտիչ Եկեղեցուն կից «Ալեք Մանուկյան» թանգարանը, որ հիմնեցիք Դուք զաշտոնավարման տարիներին՝ թանգարանին նվիրելով նաեւ բազմաթիվ նմուշներ Ձեր անձնական հավաքածուից:

Սիրյունքում քահանայազորության երկար տարիների վաստակը Ձեր ուսերին եկաք Հայրենիք, Ձեր կարողությունները ի սպաս բերելու հայրենաբնակ մեր ժողովրդի հոգեւոր կյանքի նորոգությանը եւ մեր հոգեւոր ծննդավայրի՝ Սբ Էջմիածնի հավետ պայծառությանը: Այսօր Մեք ուրախ ենք հաստատելու, որ ինչպես Շիրակի թե-

մում, այնպես եւ Մայր Աթոռ Սբ Էջմիածնում ծառայեցիք անձնվիրումով ու Ձեր պարտականությանց հանդեպ առավելագույն բժախնդրությամբ:

Քրիստոսի հավատարիմ սպասավորիդ կյանքը զարդարված է նաեւ բարեսիրական գործունեությամբ, որ իրագործում էք ինքնաբերական հանձնառությամբ եւ Ձեզ հատուկ համեստությամբ: Ձեր անձնական խնայողությունները Դուք ծառայեցնում էք մեր Սբ Եկեղեցու պայծառությանը, նաեւ Ձեր օրինակով խրախուսում էք բազմաթիվ հայորդիների՝ իրենց վաստակը ի սպաս բերելու ազգօգուտ ու եկեղեցաշեն ծրագրերի իրականացմանը: Հատկապես գովելի է Ձեր աշակցությունը ծնողական հոգատարությունից զրկված մանուկներին, ովքեր Ձեր օգնությամբ հաղթահարում են կյանքի դժվարությունները, զորանում հավատքով ու լավատեսությամբ...»:

Ապա Գարեգին Բ Ամենայն Հայոց Կաթողիկոսը Փառեն սրբազանին շնորհեց Հայ Եկեղեցու «Ս. Գրիգոր Լուսավորիչ» բարձրագույն շքանշանը:



## Մեսրոպ արքեպիսկոպոս Գրիգորյան

Մեսրոպ արքեպիսկոպոս Գրիգորյանը (ավագանի անունը՝ Գեորգ) ծնվել է 1932 թ. հոկտեմբերի 25-ին Սիրիայի Հալեպ քաղաքում:

1939-46 թթ. նախնական կրթությունն ստացել է տեղի Հայկազյան հայկական վարժարանում:

1946-47 թթ. սովորել է Հալեպի Բեթել վարժարանում:

1947 թ.՝ վարժարանն ավարտելուց հետո, ընդունվել է Անթիլիասի դպրեվանք: 1952 թ. ձեռնադրվել է սարկավագ:

Նույն թվականին Ստեփանոս արք. Սյունեցու մասին գրել է համապարփակ մի ուսումնասիրություն, որը հրատարակվել է 1958 թ. Բեյրութում: 1953 թ. ավարտել է դպրեվանքը եւ ձեռնադրվել կուսակրոն քահանա՝ ստանալով Մեսրոպ անունը:

## Ի Տեր Անջեց Մեսրոպ արքեպիսկոպոս Գրիգորյանը

Խոր ցավով տեղեկացնում ենք, որ հունվարի 14-ի երեկոյան, կյանքի 85-րդ տարում, Ավստրիայում վախճանվել է Հայաստանյայց Առաքելական Սուրբ Եկեղեցու նվիրյալ սպասավոր, Մայր Աթոռ Սուրբ Էջմիածնի երիցագույն միաբաններից Մեսրոպ արքեպիսկոպոս Գրիգորյանը:

Բազմավաստակ Մեսրոպ սրբազանի վախճանը մեծ կորուստ է Հայոց Եկեղեցու համար: Ն. Ս. Օ. Տ. Տ. Գարեգին Բ Ծայրագույն Պատրիարք եւ Ամենայն Հայոց Կաթողիկոսը եւ Մայր Աթոռի ողջ միաբանությունը սգում են հոգեւոյս Մեսրոպ արքեպիսկոպոս Գրիգորյանի մահը եւ աղոթում նրա հոգու հանգստության համար: «Յիշատակն արդարոյն օրհնութեամբ եղիցի»:

1953-1956 թթ. դպրեվանքում դասավանդել է Հայոց պատմություն, գրաբար եւ մատենագրություն, միաժամանակ պաշտոնավարել է որպես գրադարանի փոխտնօրեն, ձեռագրատան գլխավոր պատասխանատու եւ տպարանի տեսուչ:

1956 թ. պաշտպանել է վարդապետական թեզ՝ «Կիլիկիո կաթողիկոսության՝ Անթիլիասի ձեռագրերի ընդարձակ նկարագրությունները» թեմայով, եւ Աստվածածնի վերափոխման տոնին ստացել վարդապետական աստիճան: 1956-57 թթ., 10 այլ միաբանների հետ կողմնորոշվելով ի նպաստ Ամենայն Հայոց Կաթողիկոսության, եղել է Անկախ միաբանության դպրեվանքի տեսուչ: Տեսչության ընթացքում ուսանողների հետ Բիքվայայից հեռացվել է, ապա հաստատվել Բեյթ Մերի գյուղում՝ հայ ազգայինների հովանավորությամբ մեկ տարի եւս շարունակելով դպրեվանքի տեսչությունը: 1957-58 թթ. Բեյրութի Հովակիմյան-Մանուկյան երկրորդական վարժարանում դասավանդել է կրոն, գրաբար եւ մատենագրություն, միաժամանակ հովվություն արել:

1957-58 թթ. «Սիրյունք» շաբաթաթերթի հիմնադիրներից եւ հրատարակիչներից է եղել: 1959 թ. Գալուստ Կյուլպենկյան հիմնադրամի մրցանակ-կրթաթոշակով մեկնել է Անգլիայի Դարհեմ (Durham) համալսարան՝ հետեւելու արեւելագիտության եւ

աստվածաբանության դասընթացներին: 1959 թ. ամռանը մեկնել է Վիեննա, ծանոթացել հայ համայնքին, այնուհետեւ՝ 1959-61 թթ. ուսման տարիներին, եղել է Վիեննայի այցելու հոգեւոր հովիվ:

1961 թ. ավարտել է համալսարանի արեւելագիտության բաժինը եւ սկսել աշխատանքը «Հայ ժողովրդի մասնակցությունն Օսմանյան հանրային կյանքին Արեւելյան Անատոլիայի եւ Սիրիայի մեջ 1860-1908 թթ.» դոկտորական թեզի վրա:

1962 թ. Ն. Ս. Օ. Տ. Տ. Վազգեն Ա Ամենայն Հայոց Կաթողիկոսի կողմից նշանակվել է Վիեննայի հոգեւոր հովիվ:

1964 թ. ստացել է արեւելագիտության դոկտորի գիտական աստիճան: Նույն թվականին կազմակերպել է Վիեննայի Ս. Հռիփսիմե եկեղեցու հիմնադրությունը:

1964 թ. սրբազանն ակտիվորեն գործակցել է կարդիմալ Ֆրանց Կյունիգի կողմից հիմնադրված «Պրո Օրիենտե» կազմակերպության հետ: Նույն թվականին Մայր Աթոռ Ս. Էջմիածնում ստացել է ծայրագույն վարդապետի աստիճան:

1964-74 թթ. եղել է Մայր Աթոռի պաշտոնական ներկայացուցիչը Եկեղեցիների համաշխարհային խորհրդում:

1964-78 թթ. միաժամանակ հովվել է Հունաստանի հայ համայնքին:

1969 թ. պաշտոնապես նշանակվել է «Պրո Օրիենտե» աստվածաբանական

խորհրդատու եւ Մայր Աթոռի ներկայացուցիչ: 1970 թ. «Պրո Օրիենտե» խորհրդատվական մարմնի հետ կազմակերպել է Հին Արեւելյան Ուղղափառ եւ Հռոմի Կաթոլիկ Եկեղեցիների միջեւ անապաշտոն երկխոսություն: 1979 թ. սրբազան հայրը նշանակվել է 1980 թ. հայրապետական կոնդակով հաստատվել է որպես Կենտրոնական Եվրոպայի եւ Շվեդիայի հայրապետական պատվիրակ: 1980 թ. Վազգեն Ա Հայրապետի կողմից նշանակվել է Հայ Եկեղեցու կանոնադրության մշակման հանձնախմբի անդամ: 1986 թ. ձեռնադրվել է եպիսկոպոս:

1992 թ. 60-ամյակի առթիվ ստացել է արքեպիսկոպոս պատիվ:

2002 թ. Ն. Ս. Օ. Տ. Տ. Գարեգին Բ Ամենայն Հայոց Կաթողիկոսի կողմից 70-ամյակի առթիվ պարգևատրվել է Հայ Եկեղեցու «Ս. Ներսես Շնորհալի» շքանշանով: 2003 թ. քահանայական ձեռնադրության 50-ամյակի առթիվ պարգևատրվել է Հայ Եկեղեցու «Ս. Սահակ - Ս. Մեսրոպ» շքանշանով: 1981 թվականից Վիեննայի համալսարանի բյուզանդագիտության բաժնում դասավանդել է հայ ժողովրդի քաղաքական պատմություն եւ գրաբար, դասախոսություններ կարդացել «Հայ միջնադարյան մատենագրություն», «Քրիստոսաբանական վեճեր Բյուզանդական կայսրության մեջ» թեմաներով: 1986 թ. Վիեննայի համալսարանը նրան շնորհել է պրոֆեսորի կոչում: Հեղինակ է մի շարք գրքերի, առանձին ուսումնասիրությունների եւ հոդվածների («Ստեփանոս արքեպիսկոպոս Սյունեցի» ուսումնասիրությունը, «Հայ ժողովրդի մասնակցությունն Օսմանյան հանրային կյանքին Արեւելյան Անատոլիայի եւ Սիրիայի մեջ 1860-1908 թթ.» դոկտորական աշխատանքը, գերմաներենով «Ֆրանց Վերթել եւ Կոմիտաս» գիրքը եւ «Հայ Եկեղեցին» ուսումնասիրությունը, «Հրատարակիչ Վանադեցիները» եւ «Սեբեոս պատմիչի գրքի վերականգնման մասին» ուսումնասիրությունները, կրոնի դասագիրքը՝ 6 հատորով):

# ԱՐԴԱՐԱՅՈՒՄՆ ԱՍՏՎԱԾԱՇՆՉՈՒՄ

«Տիրոջ արդարությունն ուղիղ է եւ զվարճացնում է սրտերը.  
Տիրոջ պատվիրանները լույս են ու լույս են տալիս աչքերին:  
Տիրոջ երկյուղը սուրբ է եւ սուրբ է մնում հավիտյան:  
Տիրոջ դատաստանները ճշմարիտ են եւ ինքնին՝ արդար»:  
Սաղմ. ԺԸ 9-10



Արդարացել նշանակում է ճշմարտությունը բացահայտել, որեւէ մեկին անմեղ ճանաչել, արդարությունը վերականգնել: Արդարացմանը եւ դրա հետ կապված խնդիրներին վերաբերող անդրադարձներ կան նաեւ Աստվածաշունչ մատյանում. այստեղ արդարացումը դիտարկվում է աշխարհիկ (Մկն. ԽԴ 16, Առակ. ԺԵ 15) եւ կրոնական (Ես. Ծ 8, Ելք ԻԳ 7, Սաղմ. Ծ 6) տեսանկյուններից: Արդարությունն առաքինություն է, որը վերահսկում է մեր վարքագիծը, ստիպում հարգել ուրիշների իրավունքները:

Սուրբ Գրքի վկայությունների համաձայն՝ անմեղները, դատավորներին դիմելով, հաճախ չէին կարողանում իրենց իրավունքները պաշտպանել եւ արդարանալ (Ելք ԻԳ 1, Ամ. Բ 6): Երբ իրապես արդարների չէր հաջողվում ապացուցել իրենց անմեղությունը, դիմում էին Աստծուն, Ով «պաշտպանում է պանդխտի, որքի ու այրու իրավունքները, սիրում է օտարակաշիկ, նրան տալիս է հաց ու հագուստ» (Բ Օր. Ժ 18): Արդարները խնդրում էին նաեւ Տիրոջ ապավիտությունը. «Դատի՛ր ինձ, Աստված, եւ դատաստանիս ժամին արդարացրո՛ւ ինձ: Անսուրբ ազգից, մեղսագործ ու նենգ մարդուց փրկի՛ր ինձ...» (Սաղմ. ԽԲ 1, հմմտ. Սաղմ. ԾԳ 3):

Մեղքը գիրքը պատմում է, որ Ռաբելը, տառապելով անպտղության պատճառով, աղաչում է Աստծուն արդարացնել իրեն մարդկանց առջեւ. Տերը նրան զավակ է պարգևատրում աղախնի՝ Բալլայի միջոցով. «Աստված ինձ արդար դատեց, լսեց իմ ձայնը եւ ինձ որդի պարգևեց» (Մկն. Լ 6):

Հին Ուխտը վկայում է, որ դատավորներ դառնում էին հիմնականում նահապետները կամ գերդաստանի գլուխները. նրանք էին դատ ու դատաստան անում (Մկն. ԼԸ 24): Հետագայում դատական գործառույթներն իրականացնում է ծերակույտը: Երբ իրենները դեգերում էին անապատում, Մովսեսը նրանց համար դատավորներ է նշանակում, որոնցից ոմանք տասը, մյուսները՝ հիսուն, իսկ ոմանք էլ հարյուր ընտանիքի վրա իրավասություններ ունեին (Ելք ԺԸ 21-26): Աստծո կարգադրությամբ՝ նրանք առավել դժվարին ու խնդրահարույց դատերը հանձնում էին Մովսեսին. «Նրանք մշտապես թող դատեն ժողովրդին, կարելու գործերը թող հանձնեն քեզ, իսկ փոքր դատաստանները թող անեն իրենք...» (Դեւտ. ԻԴ 12): Այս դատավորները կոչվում էին հազարապետներ, հարյուրապետներ, հիսնապետներ եւ տասնապետներ. նրանք, սովորաբար, ընտանիքի

կամ գերդաստանի առաջնորդներն էին (Թվոց ԻԵ 3):

Դատերն անց էին կացվում հրապարակայնորեն (Բ Օր. ԻԱ 1-9, ԻԲ 15, ԻԾ 7). այդպես էին վավերացվում նաեւ կնքված պայմանագրերն ու համաձայնագրերը (Հուդ. Դ. 1-9, Երեմ. ԼԲ 7-15): Վաղ շրջանում դեռեւս դատական հատուկ աստիճաններ չկային, այդ իսկ պատճառով դատերն անց էին կացվում տարբեր վայրերում: Այսպես՝ Դեբորան՝ հայտնի մարգարեուհին, հասարակ արմավենու տակ էր դատերն անցկացնում. «Նա բնակվում էր արմավենու տակ՝ Ռամայի եւ Բեթելի միջեւ՝ Եփրեմի լեռան վրա: Իսրայելացիները նրա մոտ էին գնում դատաստանի համար» (Դատ. Դ 5): Սամուելը նշում էր որոշակի վայրեր, որտեղ անցկացնում էր դատը (Ա Թագ. Ե 16, Ը 1): Համաձայն Սուրբ Գրքի՝ Հոսափատ արքան Հուդայի երկրում դատավորներ է նշանակում ու իրամայում դատերն անցկացնել արդարությամբ եւ անաչառությամբ (Բ Մազ. ԺԹ):

Ուշագրավ է Ա Թագավորացի հետեյալ հատվածը. Դավիթը հրաժարվում է Սավուղից վրեժ լուծելուց եւ նրան սպանելուց՝ ասելով. «Թող Տերը դատ անի իմ ու քո միջեւ եւ իմ վրեժը քեզնից առնի, բայց իմ ձեռքը քեզ վրա չի բարձրանա: Ինչպես հին առակն է ասում՝ «Աստված ձեռքից է գալիս վնասը, իսկ իմ ձեռքը քեզ վրա չի բարձրանա» (ԻԴ 13-14): Բարձրալի է ողորմություն եւ արդարություն շնորհում բոլոր գրեկյաններին (հմմտ. Սաղմ. ԾԲ 6), պատվիրում արքաներին՝ իրավունք տալ աղքատներին, պաշտպանել տնանկների որդիներին, ընկճել ամբարտաճանների (հմմտ. Սաղմ. ԶԱ 4):

Ըստ Հին Կտակարանի՝ թագավորները գերագույն դատավորներ էին՝ գրեթե բա-

ցարձակ իշխանությամբ (հմմտ. Ա Թագ. ԻԲ 16, Բ Թագ. Դ 9, Գ Թագ. ԻԲ 26): Երկնային Հայրը պատվիրում է, որ թագավորների, իշխանավորների եւ դատավորների արդարամտությունը լինի անաչառ ու անկաշառ, իսկ նրանց ընդունած որոշումներն ու վճիռները պետք է ընդունելի լինեն երկնավոր ատյակի առջեւ (հմմտ. Բ Օր. Ա 16-17, Բ Թագ. ԻԳ 3, Բ Մազ. ԺԹ 6-10): Սուրբ Գրքի վկայությամբ՝ արդար դատաստանը Աստծո ձայնն է, իսկ անիրավ վճիռը ատելի է Նրա համար:

Ինչպես այսօր, դարեր առաջ եւս նույն խնդիրն էր առկա՝ մարդիկ հաճախ գանգատվում էին կաշառակեր ու երդմանազան դատավորներից, նրանց ընդունած վճիռներից, անարդարությունից (հմմտ. Ա Թագ. Ը 3, Գ Թագ. ԻԱ 8-14, Ես. Ա 23, Ժ 1, Միք. Գ 11, Ե 3):

Պետք է նշել, որ Աստվածաշունչը միշտ չէ, որ արդարացման խնդիրը քննարկում է մարդկային հարաբերությունների շարակարգում. հաճախ բարեպաշտներն առավել կարեւորել են արդարացումը երկնային Հոր առջեւ, ձգտել, որ իրենց մեղքերը ներվեն Տիրոջ կողմից:

Աստված, ուխտ կապելով Իսրայելի հետ (իմա՝ ժողովուրդ), պատվիրեց հավատարիմ եւ հնազանդ մնալ Իրեն ու հետեւել տասնաբանյա պատվիրաններին: Այսպիսով՝ արդարամտությունն ու արդարացիությունը պետք է դառնային աստվածընտրյալ ժողովրդի կյանքի առանցքը: Աստծո արդարությունն էական է անքննելի հատկությունն է, Նրա գործերը ճշմարիտ են, ուղիները՝ օրինավոր (հմմտ. Բ Օր. ԼԲ 4), մինչդեռ մարդ արարածը, լինելով բնությամբ մեղանչական, հակված սխալվելուն եւ սայթաքելուն, միշտ չէ, որ անմեղ ու արդար է Տիրոջ առջեւ. «...ապականվեցին ու պղծվեցին իրենց անօրենության մեջ, եւ չկա մեկը, որ բարություն գործի...» (Սաղմ. ԺԳ 1): Մեղսավորին մտում է միայն մեկ բան՝ հայցել Բարձրալի ներողամտությունը. «Ծառայի՛ր հետ դատաստան մի՛ տես, քանզի ոչ մի կենդանի մարդ չի արդարանա քո առջեւ» (Սաղմ. ԾԽԲ 2): Իսկ երբ մարդն իրապես անմեղ է, հնազանդվում է Աստծո կամքին ու հետեւում Նրա ճանապարհներին, մեկ անգամ եւս հաստատում է իր ճշմարտացիությունն ու արդարությունը Տիրոջ առջեւ. «Դատի՛ր ինձ, Տեր, իմ մեջ եղած արդարության եւ անմեղության համեմատ» (Սաղմ. Ե 9):

Հետագայում՝ Իսրայելի գերությունից հետո, արդարացման գաղափարը, ասես, վախճանաբանական երանգ ստացավ. այն սկսեցին առավելապես կապել աշխարհի վախճանի, Ահեղ դատաստանի հետ, երբ Աստված Իր անսահման ողորմությամբ կնքեց Իր ժողովրդի մեղքերը. «Քեզ կնշանեն ինձ հավիտյան, քեզ կնշանեն ինձ արդարությամբ եւ իրավունքով, ողորմությամբ եւ գթությամբ: Քեզ կնշանեն

ինձ հավատով, եւ դու կճանաչես Տիրոջը...» (Օս. Բ 19, հմմտ. ԺԴ 4): Այդժամ Աստված Իսրայելի հետ Նոր ուխտ կկապի. «...Նոր ուխտ եմ կապելու Իսրայելի տան հետ եւ Հուդայի երկրի տան հետ: Ոչ թե ըստ այն ուխտի, որ մի օր ես ուխտեցի նրանց հայրերի հետ, երբ բռնեցի նրանց ձեռքից՝ դուրս հանելու համար նրանց եգիպտացիների երկրից, բայց նրանք իմ ուխտին հավատարիմ չմնացին, ու ես նրանց մասին հոգ չտարա... այլ այն ուխտն է, որ ուխտելու եմ Իսրայելի տան հետ այն օրերից հետո... իմ օրենքները նրանց մտքի մեջ եմ դրոշմելու, դրանք նրանց սրտերի մեջ եմ գրելու, նրանց համար Աստված եմ լինելու, իսկ նրանք ինձ համար լինելու են ժողովուրդ...» (Երեմ. ԼԱ 31-33): Սուրբ Գրքի համաձայն՝ երկնային Հայրն Իր ժողովրդին կշնորհի մի «արդար շառավիղ», որն իրավունք եւ արդարություն կպաշտպանի երկրի վրա (հմմտ. Երեմ. ԼԳ 15): Այստեղ կարմիր թելի նման նշմարվում է այն հիմնական միտքը, որ մարդու արդարացումը գլխավորապես Աստծո անսպառ ողորմածության եւ գթառատության հետեւանքն է. «Տերն է մեր արդարությունը»՝ արտահայտությունը կդառնա Նոր Երուսաղեմի անվանումը (հմմտ. Երեմ. ԼԳ 16):

Նոր Կտակարանում արդարացման խնդիրը քննարկվում է հիմնականում մարդ-Աստված հարաբերության շարակարգում: Նախ եւ առաջ շեշտադրվում է աստվածային արդարության ճանաչումն ու ընկալումը (հմմտ. Մատթ. ԺԱ 19, Դուկ. Ե 35, Հռոմ. Գ 4, Ա Տիմ. Գ 16), ապա՝ խոսվում Աստծո առջեւ արդարանալու (Դուկ. Ժ 29), Նրա կողմից արդարացվելու մասին (Դուկ. ԺԸ 14): Այսպես՝ Դուկ. ԺԸ 14-ում վկայվում է արդարացման մասին, որը շնորհվում է ներկա պահին, մինչդեռ Մատթ. ԺԲ 37-ը նկատի ունի Ահեղ դատաստանի ժամանակ ստացած ներումն ու արդարացումը՝ «...քո խոսքերով պիտի արդարանաս եւ քո խոսքերով պիտի դատապարտվես»:

Պողոս առաքյալի համար մարդկության արդարացման առանցքը Քրիստոսի փրկչական խաչելությունն էր. այսինքն՝ Աստծո միածին Որդու չարչարանքներն ու խաչելությունն էին այն փրկագիծը, որ վճարվեց մարդկության մեղքերի դիմաց: Խոսելով Աստծո առջեւ մարդու արդարանալու մասին՝ առաքյալն ամենեւին նկատի չունի հավատարմությունն Օրենքին կամ դրա պահպանումը, այլ՝ Աստծո կողմից՝ Իրեն հավատացող եւ ապավինող մեղսագործին արդարացնելը. մեղանչողն արդարանում է աստվածային քավությամբ՝ միածին Որդու խաչելությամբ: Աստծո Որդին Իր վրա վերցրեց եւ Իր չարչարանքներով ու խաչելությամբ քավեց մարդկության ողջ մեղքերը:

Շարունակությունը՝ էջ 6

## Կատարվել են եկեղեցականների նոր նշանակումներ

Ն. Ս. Օ. Տ. Տ. Գարեգին Բ Շարյազույն Պատրիարք եւ Ամենայն Հայոց Կաթողիկոսի հայրապետության տնօրինությամբ կատարվել են Մայր Աթոռ Սբ Էջմիածնի միաբանների նոր նշանակումներ:

Մատթեոս վրդ. Պողոսյանը, ազատվելով վանորեից տեսչությունում ստանձնած պարտականություններից, ծառայության է կոչվել Մայրավանքում՝ Մայր Աթոռի լուսարարապետի իշխանության ներքո:

Կորյուն աբղ. Առաքելյանը (Արմավիրի թեմ) իր հոգեւոր սպասավորությունը կշարունակի վանորեից տեսչությունում:

Իգնատիոս վրդ. Մախաթյանը եւ Վաչե աբղ. Մկրտչյանը եւս, ազատվելով համապատասխանաբար Մայր Աթոռի լուսարարապետությունում եւ վարչատնտեսական բաժնում ստանձնած պարտականություններից, իրենց ծառայությունը կբերեն վանորեից տեսչությունում՝ վանորեից տեսչի իշխանության ներքո:

## Նրասարակվել է

Մայր Աթոռ Սբ Էջմիածնում (2017 թ.)

Մայր Աթոռ Սբ Էջմիածնի հրատարակչական բաժինը լույս է ընծայել «Վաղարշապատ. վանքերը եւ վիմական արձանագրությունները» աշխատությունը՝ հեղինակությամբ վիմագրագետ, պատմ. գիտ. թեկնածու Արսեն Հարությունյանի:

Գիրքը նվիրված է Վաղարշապատի վանքերի վիմագրական ժառանգության համակողմանի քննությանը: Այն առաջին համալիր ուսումնասիրությունն է, ուր վիմագրերի հիման վրա ընթերցողին են ներկայացվում Վաղարշապատի՝ հատկապես 17-19-րդ դարերի քաղաքական ու եկեղեցական կյանքը, հայոց հայրապետների շինարարական ու նորոգչական աշխատանքները, վանքերի ստացած նվիրատվությունները, վանական միաբանությունների կազմավորումը, ինչպես նաեւ միաբանական գերեզմանոցներն ու արձանագիր խաչքարերը: Նախկինում հրատարակված 188 վիմագրերին ավելացվել են եւս 520-ը, որոնք առաջին անգամ են ներկայացվում վիմագրագիտական քննության:

Վիմագրական ու մատենագրական սկզբնաղբյուրների եւ արխիվային նյութերի համադրմամբ ուսումնասիրվել են արձանագրություններում հիշատակված նվիրատուների, բարերարների, հաճախ նաեւ՝ նշանավոր հոգեւոր գործիչների կյանքն ու գործունեությունը: Աշխատության վերջում գետեղված են լուսանկարներ:

Գիրքը հրատարակվել է մեկենասությամբ «Սարգիս Գաբրիելյան» հիմնադրամի: Լրատվական նյութերը՝ ՄԱՅՐ ԱԹՈՒ ՍՈՒՐԲ ԷՋՄԻԱԾՆԻ ՏԵՐԵՎԱՏՎԱԿԱՆ ՀԱՄԱԿՐԳԻ


ԱՐՄԱՆ, ՀԱՐՈՒԹՅՈՒՆՆԵԱՆ

**ՎԱՂԱՐՇԱՊՈՍ**

ՎԱՆՔԵՐԸ ԵՎ ՎԻՄԱԿԱՆ ԱՐՁԱՆԱԳՐՈՒԹՅՈՒՆՆԵՐԸ

ՄԱՅՐ ԱԹՈՒ ՍՈՒՐԲ ԷՋՄԻԱԾՆԻ

2016



### ՄՐՏԱԿՑՈՒԹՅՈՒՆ

Քիչ չեն այն դեպքերը, երբ ժամանակն ու տարածությունը վճռական ազդեցություն են ունենում մարդկային հարաբերությունների վրա: Այդպիսի իրողություններից մեկն էլ հայ երկու գրողների՝ Վահան Թեքեյանի և Լեւոն Չավեն Սյուրմեյանի կյանքում տեղի ունեցած բարեկամության ու անջատման պատմությունն է, երբ ժամանակն ունեցել է բարեբեր նշանակություն՝ առթելով ծանրություն, մարդկային ջերմ փոխհարաբերություններ և փոխհոգածություն, իսկ տարածությունը բացասաբար է ազդել այդ հարաբերությունների ընթացքի վրա և տեղիք տվել անդարձ բաժանման:

1914-ին Վ. Թեքեյանը Կ. Պոլսում հրատարակել էր իր «Հրաշալի հարություն» ժողովածուն, երբ Նույն թվականի հուլիսի 28-ին սկսված Առաջին համաշխարհային պատերազմը նրան ազգային ու կուսակցական գործունեության նոր ուղիներ տվեց: Նույն թվականի օգոստոսին նա թող-

# ՎԱԶԱՆ ԹԵՔԵՅԱՆ - ԼԵՎՈՆ ՉԱՎԵՆ ՍՅՈՒՐՄԵՅԱՆ. ՄԵՐՏ ԲԱՐԵԿԱՄՈՒԹՅՈՒՆ ԵՎ ՎՆԴԱՐԱ ԲՎԺՎՆՈՒՄ

նում է Երուսաղեմի (որն այդ ժամանակ Թուրքիայի տիրապետության տակ էր) Ս. Հակոբ վանքում Կ. Պոլսի Ազգային ժողովի ներկայացուցչի իր պաշտոնը և հեռանում Եգիպտոս: Ալեքսանդրիայում 1915-ին հիմնում է «Արեւ» թերթը, ակտիվորեն մասնակցում հայ գաղթականների ու որբերի օգնության և հետագա կյանքի կազմակերպման աշխատանքներին, մասնակցում Կիպրոսում ստեղծվող Հայկական լեգեոնի ձևավորմանը: 1918-ի գինադադարը, ինչպես հայության մի մասին, Թեքեյանին եւս մեծ հույսեր է ներշնչում: 1919-ին նա մեկնում է Հայաստան: Նույն թվականին Փարիզում տպում է «Կես գիշերեն միևնույն արշալույս» բանաստեղծությունների ժողովածուն՝ գրքի որոշ բանաստեղծություններում տարփողելով այդ «արշալույսը»:

1920 թ. նոյեմբերին Թեքեյանը նորից Պոլսում էր, ուր ստանձնում է «Ժողովրդի ձայնը» թերթի խմբագրատնությունը, քաջալերում նոր-նոր գրական կյանք մտնող Վազգեն Շուշանյանին, Ռոբերտուն, Նիկողոս Սարաֆյանին, Պետրոս Չարոյանին և այլոց: 1921-22 ուստարում նա ստանձնում է Ազգային Կեդրոնական վարժարանի ուսուցչի և ապա տեսչի պաշտոնը, ուր էլ հանդիպում է վարժարանի աշակերտներից մեկին՝ Չավեն Սյուրմեյանին:

Նրանց միջև փոխադարձ համակրանքը ծնվում է միանգամից: Թեքեյանին գրավում են պատանի Սյուրմեյանի գրական հետաքրքրությունները, նրա լրջությունն ու մտավոր առկայությունները, Թեքեյանի խոսքերով ասած՝ պատանու «զգացումն ու կրոնից, կրթականությունն ու ազնվությունը» է, ամենակարեւորը, նրա՝ բանաստեղծ լի-

նելու հայտնությունը: Թեքեյանը, հանձին Սյուրմեյանի, ասես գտել էր իր որոնած «զուգակ»-ին, ու «տաքուն շունչը» օգնելու էր իրեն «կեանքեն դեռ համ մը առնելու և բան մը յուսալու» (*Վահան Թեքեյանի նամակները Լեւոն Չավեն Սյուրմեյանին, Նիւ Յորք, 1950, էջ 25*): Թեքեյանը հավատում է, թե Սյուրմեյանը պիտի «մեծնայ մաքրութեամբ... և ավելցած շնորհներով»՝ հանուն նրա բարիքի և իր սիրտին:

Սյուրմեյանը՝ Սյուրմեյանը գերվում է վարժարանի տեսչի լրջությամբ, ու մասին նա հետագայում պիտի գրեր. «Թե՛ տեսքով և թե՛ զգացումով՝ Թեքեյան իրական ազնուական էր միտքի...» (*Սյուրմեյան, էջ 11*), նրա բանաստեղծական տաղանդով, մարդկային հոգատարությամբ: Թեքեյանն անցել էր կյանքի դժվարին բավիղներով, տեսել ու զգացել ինչպես կուսակցական ու հասարակական, այնպես էլ մարդկային բարոյ ու հակասական բազում լեւեշումներ՝ գաղափարական տեսական կոմիւնիզմ, ազգային փլուզումներ, յուրայինների ուրացումներ, օրվա հացի խնորհի լուծման դժվարություններ, երկրից երկիր թափառումներ, ընտանեկան հարկի բացակայություն: Ծակատագիրը Թեքեյանին բանաստեղծ էր կարգել, բայց նրան չէր տվել կյանքի երջանկություն: Չէր տվել նաեւ կին ու երեխա ունենալու բարեբախտություն: 1914-ին գրած «Չավակ» բանաստեղծության մեջ նա իր դժգոհությունն է հայտնում Աստուծոց. «Չավակ մը շնորհն անգամ, ո՛վ Տէր, զլացար // Ինձի ընդ միշտ...»:

Այս ամենը հանգեցրել էր նրան, որ Թեքեյանը, երբ հանդիպեց Սյուրմեյանին, արդեն քառասուն անց ամսերի էր և վարդու փայլում էր երեխա ունենալ, որին իր բա-

նաստեղծություններում անվանում էր «տղաս» կամ «գաւակս»: Սյուրմեյանի անձի մեջ Թեքեյանը տեսնում ու զգում է հենց իր փնտրած այդ գավակին, ով կարիք ուներ նեցուկի ու օգնող ձեռքի, ով կարող էր մեծանալ ու իր միայնակ կյանքի հեռարանը լինել, և ում ինքը կարող էր իր կյանքը տալ ու նրանից կյանք ստանալ՝ գտնելով «անոր մեջ ինքզինք» ու «կրկնուած անոր մեջ»:

Տրապիզոնում ծնված Սյուրմեյանի հայրն ու մայրը գոհ էին գնացել եղեռնին, և նա ճաշակել էր որբության բոլոր դառնություններն ու մանկության զրկանքները: Իր կյանքի բերումով Թեքեյանը լավ գիտեր ցավաշատ մանկության պատճառած մորմոքները և միևնույն Սյուրմեյանին հանդիպելը՝ 1919 թ., արդեն իր լավագույն բանաստեղծություններից մեկում գրել էր.

*Ով երագուն մանկություն՝  
որ մանկությունը եղար,  
Կը փափաքիմ, ոչ այլես ըզբեզ  
ապրիլ վերստին:*

Վահան Թեքեյանի նամակները Լեւոն Չավեն Սյուրմեյանին, Նիւ Յորք, 1950, էջ 25

Ու երբ հանդիպեցին 16-ամյա Սյուրմեյանն ու 43-ամյա Թեքեյանը, բացի առաջինի գրական հետաքրքրությունից ու երկրորդի գրական փորձառությունից, իրար հասկանալու ու հարազատանալու գործում քիչ դեր չխաղաց երկուսի՝ այդ տխուր մանկությունը «ոչ այլես» վերստին ապրելու բաղձանքը, որը Սյուրմեյանի առաջին բանաստեղծություններում արտահայտվում է որպես վիճակ ու մտածում, իսկ Թեքեյանի պոեզիայում՝ որպես ընդհանրացնող ասելիք ու բողոք:

*Շարունակությունը՝ էջ 7*

# Աուրբճնդյան և Ակրտության դատկերները Էջմիածնի և Տրապիզոնի Ավետարաններում

*Սկիզբը՝ թիվ 1*

Սկրտության տեսարանը քրիստոնեական արվեստում երեսն է գալիս Դ-Ե դարերի սարկոֆագների և դիպտիստերի քանդակների մեջ: Նույնը ունենք Էջմիածնի հայտնի Ավետարանի փղոսկրյա կազմի վրա՝ այն տարբերությամբ միայն, որ առաջինում որոշակիորեն առկա է հռոմեական-հավենական դրոշմը, իսկ երկրորդում այն բացակայում է (**Գ. Հովսեփյան**, Նյույորք և ուսումնասիրություններ հայ արվեստի պատմության, հ. 2, Եր., 1987, էջ 160): Էջմիածնի Ավետարանի վերջին մանրանկարը՝ «Սկրտությունը», բազմաթիվ առումներով ամենաուշագրավն է: Հիսուսն այստեղ երևում է մանկան տեսքով՝ մեզ հիշեցնելով Ակրտության խորհուրդը, որը նոր կյանքի ծնունդն է: Աստծո ձեռքը, լույսի ճառագայթները, որոնք իջնում են Հիսուսի վրա երկնքից և աղավաղ կտուցից, ավելի են ընդգծում նշված տեսարանի աստվածայինության բնույթը: Բացի այդ, նույն գծի վրա տեղադրված Աստծո ձեռքը, աղավաղն և Հիսուսը ներկայացնում են Երրորդության պատկերը: Նկարի չորս կողմերը զարդարում են հավալուսիները, որոնք ամբողջացնում են պատկերի գաղափարական իմաստը (**Ս. Տեր-Ներսեսյան**, Հայ արվեստը միջնադարում, Եր., 1975, էջ 61) (նկ. 3): Ըստ «Բարոյախոսի»՝ հավալուսիները, իր կուրծքը պատռելով, իր արյունն է հորդում ձագերի վրա, որպեսզի կենդանացնի նրանց: «Հաւ է մեծ հաւալսանն և յոյժ որդեսէր. և յորժամ լինին ձագն, ոչ մեկնին ի նոցանէ ծնողն, ապա կուտք առնուն ինքն և ձագն և սկսանին մազչաւք ցտել զերեսս ծնաւդին, և նա առ քաղց և առ գութն մազեանէ զձագն և հեռանան ի միմեանց, և յետ երեք աւուր գա մայրն և առ գութն ցտել զկողն և հանէ» (**Կ. Մարք.** ՏՅՈՒՆԻ ԿՐԻՍՏՈՆՅԱ ԴԱՅՁԱՍԱՆ



Նկ.3 Սկրտություն Էջմիածնի Ավետարան, 989 թ., ՄՍ 23744

притч Вардана. ч. 3, СПб., 1894, с. 142-143): Նույնը տեսնում ենք Երրորդության պարագայում. խաչի վրա պատռված կողքից ջուր է արյուն են բխում. ջուրը խորհրդանշում է Սկրտությունը, իսկ արյունը՝ այն գինին, որը Հիսուսն օրհնեց՝ ասելով. «... գի այ՛դ և արին իմ նորո՞ւ ուխտի, որ ի վերայ բազմաց հեղու ի թողութիւն մեղաց» (Մատթ. Ի2 28): Այլ մանրանկարներում, օրինակ՝ Տրապիզոնի Ավետարանում, Հիսուսի մկրտության տեսարանն ունի հետեւյալ կառուցվածքը. Հորդանանի աջ ափին ներկայացվում է Հովհաննես Մկրտիչը՝ իրեն բնորոշ արտաքինով՝ մորթեալով ու երկար մազերով, մորթեղեն հագուստով: Նրա աջ ձեռքը հանգում է Հիսուսի գլխի վրա, ձախը՝ պարզած պահում է Ադամի գլուխը:

Գետի ձախ ափին ներկայացվում են Հիսուսի մկրտության արարողության սպասարկող իրեշտակները, որոնց սկսել են պատկերել Ե-2 դարերից: Նրանց ձեռքերին սրբիչներ և հանդերձներ են (նկ. 4):

Սկրտությունը ոչ միայն սրբում է աղամական մեղքը, այլև Սուրբ Հոգու շնորհներն է բաշխում (**Վաչէ ծ. վրդ. Իգնատիոսեան**, Հայկական մանրանկարչություն և Թորոս Ռօսլին, Վենետիկ - Ս. Ղազար, 1982, էջ 29): «Աղաւսին ատաւաբեր է շնորհաց. որպէս ի տապանն Նոյի եբեր զշիւղ ձիթենայն, որ ցուցանէ զշնորհս մկրտելոցն»,- գրում է սբ Գրիգոր Տաթևացին (**Գրիգոր Տաթևացի**, Գիրք Հարցմանց, Երուսաղեմ, 1993, էջ 525):

Սկրտության պահին Սուրբ Հոգի Աստված, որ իր ելույթում է ներկայությամբ լցնում է ամբողջ տիեզերքը (հմտտ. Եր. 23-24), իր ներկայությունը մարմնավորապես զգալի է տեսանելի դարձրեց մարդկանց աղավաղ կերպարանքով (Մատթ. Գ 16, Մարկ. Ա 10, Դուկ. Գ 21-22): «Սկրտություն» մանրանկարում արտահայտված են Սուրբ Հոգու աղավաղակերպ էջի երեք խորհուրդները:

**Ա. Սուրբ Երրորդության հայտնություն:** Նոր Կտակարանի մեջ առաջին անգամ կտեսնենք աստվածության երեք անձերի միաժամանակ հայտնությունը: Վերջինիս աղավաղակերպ լինելը սբ Գրիգոր Լուսավորիչը բացատրում է հետեւյալ կերպ. «Որպէսզի տեսնողներին սովորեցնի, թէ չկա ոչ մի այլ հնար՝ մոտենալու Աստվածորդուն, թե՛ ոչ անմեղությամբ, արդարությամբ ու սրբությամբ» (**Սուրբ Գրիգորի վարդապետությունը**, Ս. Էջմիածին, 2007, էջ 97):

**Բ. Սուրբ Հոգու տեսանելի հայտնություն:** Բացառու է նրա առանձին անձնավորություն լինելուն: Հին Կտակարանը հաճախ խոսում է Հոգու մասին, բայց նա



Նկ.4 Սկրտություն Էջմիածնի Ավետարան, Տրապիզոնի, Ժ դար

կարծես միշտ մնում է աստվածային, անտեսանելի և խորհրդավոր ուժ: Սակայն այստեղ հայտնվում է աղավաղ պես «մարմնավոր երեւոյթով»: Հոր և Որդու կողքին այս երեւումը ցույց է տալիս Սուրբ Հոգու գաղափարային շնորհից և Որդուց և նրա անջատ անձնավորություն լինելը, թեպետ միաժամանակ անբաժանելի միություն է Հոր և Որդու հետ:

**Գ. Սուրբ Հոգու հատկանիշը:** Սուրբ Հոգին սրբության և մաքրության խորհրդանշանն է աղավաղ կերպարանքով հայտնվեց՝ Աստծու մեկ հատկանիշը արտահայտելու համար (**Չարեհ արք. Ազնաւորեան, Մեկնութիւն Հայաստանեայց Առաքելական Սուրբ Եկեղեցւոյ Հաւատամքին, Հայկէպ, 2008, էջ 324**): Այսպիսով՝ «Սկրտություն» թեման բովանդակող մանրանկարներն ու քանդակները մեզ սովորեցնում են, որ Սուրբ Հոգու էջքով է, որ մարդկությունը սրբվում ու մաքրվում է և միաժամանակ սուրբ ու մաքուր կյանքի ապրելու կոչումն է ստանում: Այդ են խորհրդանշում նաեւ Հորդանանի մեջ պատկերված ձկները, որոնք մարդկանց փրկագնացն են հոգիներն են (**Կ. Սաթևուսյան, Ա. Ավետիսյան, Ավետարանական պատկերներ**, Եր., 1993, էջ 36):

*Արթուր սրկ. ԱՐԳՈՐԾԱՆ*

Սկիզբը՝ 2016-ի թիվ 23-24  
եւ 2017-ի թիվ 1

# ՆԱՅԿԱԿԱՆ ՎԵՐԱԾՆՈՒՆԴ

(Ժամանակը եւ առանձնահատկությունները)

Այս ճանապարհին Մկրտչանք երբեմն հասնում է խորհրդային գրականագիտությանը բնորոշ գեղեցիկ սոցիոլոգիայի՝ Նարեկացու ողբը պայմանավորելով մեկ «գյուղացիության ֆեոդալական կեղեքումով» (էջ 198), մեկ «աշխատավորության (գյուղացիության) բողոքի արտահայտությանը» (էջ 202), մեկ արտաքին քաղաքական հանգամանքներով: Իսկ մեկ այլ առիթով էլ ավելացնում է՝ 12-րդ դարում «... հայ վերածնությունը, զուգահեռաբար վրացական եւ աղբյուրական գրականությունների աննախընթաց զարգացմանը (Ռուսթավելի եւ Նիզամի), նորից վերելք է ապրում» (էջ 255): 12-րդ դարում հայ գրականությունը ոչ թե զուգահեռաբար է վրաց եւ չեղած աղբյուրական գրականություններին, այլ զարգանում է իր բնականոն հունով՝ առաջ մղելով այնպիսի նշանավոր մի բանաստեղծի, որպիսին Շնորհալիս է եւ, ընդհանրապես, ամբողջ կիլիկյան գրական դպրոցը: Ի՛նչ ընդհանրություն կարելի է գտնել մի կողմից՝ Շնորհալու, մյուս կողմից՝ Ռուսթավելու եւ ոչ թե աղբյուրական (Գանձակում ծնված լինելը դեռեւս ոչինչ չի նշանակում), այլ պարսիկ բանաստեղծ Նիզամու միջեւ: Կարծում եմ՝ ոչ մի:

Ի վերջո, այս գաղափարները մարմնավորվեցին առանձին գրքում՝ նախ ռուսերեն (Մոսկվա, ԽՍՀՄ ԳԱ հրատ., 1963), ապա հայերեն լույս տեսավ Վազգեն Չալոյանի «Հայկական Ռենեսանս» (Երեւան, Հայպետհրատ, 1964) աշխատությունը: Գրքի

նպատակադրումը ձեւակերպված է այսպես. «Այս աշխատությունը, ըստ էության, առաջին խոշոր մենագրությունն է ոչ եվրոպական ժողովուրդների Ռենեսանսի՝ Վերածնության վերաբերյալ, որտեղ հեղինակը բազմակողմանիորեն՝ կրոնի, փիլիսոփայության, գրականության եւ արվեստի նյութերի հիման վրա քննարկվող հայկական Վերածնության հարցերը կապում է երկրի սոցիալ-տնտեսական պատմության համապատասխան ետապների հետ» (էջ 2):

Ելակետն այս է. «Եվրոպայում իրոք վերածնվեց անտիկ աշխարհի հոգեկան կյանքը...», եւ ըստ Ուլրիխ ֆոն Յուտտենի՝ «մտքերը արթնացան, կյանքը դարձավ հաճույք» (էջ 3), նպատակը՝ այս. «Հայկական Վերածնությունը պատմականորեն այնպիսի նշանակալից երեւոյթ է, որ ոչ միայն չի կարելի անտեսել, այլեւ պետք է բացահայտել իր ողջ լիակատարությամբ եւ խորությամբ որպես առաջադիմության մի շրջան այդ երկրի կուլտուրայի պատմության մեջ» (էջ 8):

Մարքսիզմի դասականներից արված մեջբերումներով հեղինակը բացահայտում է ժամանակաշրջանի հանրային գիտակցության ձեւերը որպես պատմամշակութային երեւոյթ, անդրադառնում սոցիալ-տնտեսական հիմունքներին: Այն հստակ տպավորություն է, որ եթե մարքսիզմի դասականները դրական արտահայտված չլինեին Վերածննդի մասին, խորհրդային հետազոտողներն ընդհանրապես կշրջանցեին այն կամ կտային այլ՝ գուցե ոչ առաջադիմական բացատրություն:

Յեղիակն իր քննությունն ի մի է բերում հետեւյալ վերնագրերի ներքո՝ «Ավարկ Անիի ժամանակաշրջանի Հայաստանի քաղաքական պատմության», «Հայկական Վերածնության սոցիալ-տնտեսական հիմունքները», «Վե-



րածնության կուլտուրան Հայաստանում»: Վերջին դեպքում դասակարգային միջամտությունն ակնհայտ է՝ «աշխատավոր ժողովրդի կուլտուրայի գաղափարական հիմունքներն» առանձին են դիտված, «շահագործող դասակարգերի առաջադիմական խավերին»՝ առանձին՝ որպես իրար լրացնող ուժեր:

Թնդրակյան շարժումը դիտվում է որպես «Ռեֆորմացիա»՝ «Եկեղեցու դոգմաների ռեֆորմ», «ֆեոդալական հասարակության իշխող սոցիալական կարգի դեմ խաղված պայքար» (էջ 55): Եվրոպայում դա արտահայտվեց նրա-

նով, որ «աշխատավոր մասսաները դուրս եկան» կաթոլիկ եկեղեցու դեմ: Նույն սկզբունքով դիտվում է թնդրակյան շարժումը, որին պետք է հաջորդեր պավլիկյան շարժումը: Ըստ նրա՝ «Բյուզանդական-կովկասյան աշխարհը Արեւելքի եւ Արեւմուտքի միասնական ամբողջական աշխարհի բաղկացուցիչ մասն էր: Այդ աշխարհի մասերի փոխազդեցության ոլորտի մեջ էր մտնում նաեւ Հայաստանը, որն ազդում էր նրա վրա, կրում նրա ազդեցությունը, որն արժեքներ մտցրեց այդ աշխարհի ընդհանուր գանձարանը եւ այնտեղից ընդունեց համընդհանուր արժեքներ: Փոխազդեցության այս պրոցեսում Հայաստանի կուլտուրայի պատմության մեջ ամենանշանակալից երեւոյթը Վերածնունդն էր» (էջ 68): Սա ընդհանուր հայացք է, որտեղ որոշակիությունը, խոսքի առարկայականությունը բացակայում է: Չալոյանն այնուհետեւ փիլիսոփայական դատողություններով փորձում է Վերածննդի շուրջ հաստատել Արեւմուտքն ու Արեւելքը, որից հետո առանձնացնում է Արեւելքի Վերածնության տարբերությունները, ըստ որի՝ հայկական «Վերածնությունն սկսվեց Արեւմուտքի Վերածնության երեւան գալուց շատ առաջ»: Եվ երկրորդ՝ «Հայաստանում Վերածնությունն իր գարգացման ընթացքում բնավ չհասավ Արեւմուտքի ավելի ուշ շրջանի Վերածնության մակարդակին» (էջ 70): Այսպեսից հետո՝ էլ ինչ Վերածնության մասին կարող է խոսք լինել եվրոպական չափանիշներով:

Շարունակությունը՝ էջ 6

# ՍՈՒՐԲ ՄԱՐԳԻՍ ՉՈՐԱՎԱՐ



**Սուրբ Մարգսի վարքը:** Իբրեւ պատմական անձնավորություն՝ սբ Մարգսի գործարարն ապրել ու գործել է 4-րդ դարում, եղել է Կեսարիայի հռոմեական գործարար, խուսափել Հուլիանոս Ուրացու կայսեր (361-363) հալածանքից, նախ ապաստանել Հայոց Արշակ Բ կամ նրա հոր՝ Տիրան թագավորի մոտ, ապա վերջինիս խորհրդով անցել Պարսկաստան, կարգվել Շապուհ II-ի գորահրամանատար: Երբ թագավորն իմանում է, որ Մարգսն իր բանակի զինվորներին քրիստոնեություն է քարոզում, կանչում է եւ հրամայում զոհ մատուցել կրակին: Մարգսը պատասխանում է, որ ինքը հավատարմ է մեկ Աստծո՝ Ամենասուրբ Երրորդությանը, որ Ստեղծիչն է երկնքի եւ երկրի: Իսկ կրակը կամ կուռքերը ի բնե աստված չեն, եւ ինքն էլ, հողեղեն լինելով, կարող է այն մարել: Խոսքից անցնում է գործի եւ կործանում է կրակի բազինը՝ կրակը հանգցնելով: Չայրացած մոզերն ու ամբոխը հարձակվում

են Սարգսի եւ նրա որդու վրա, քարերով, փայտերով, աքցաններով եւ բռունցքներով սկսում են ծեծել եւ չարչարել: Այս չարչարանները զոհվում է Մարտիրոսը, որ կոխկռտվելով ընդունում է մարտիրոսական պսակը:

Իսկ Սարգսին թագավորի հրամանով բանտ են առաջնորդում այն հույսով, որ կարող է զոջալ եւ կրակապաշտ դառնալ, եւ թագավորը կկարողանա շարունակել օգտվել նրա զինվորական կարողություններից: Բայց Սարգսի գործարարը հաստատ է մնում իր հավատքի մեջ, ուստի գլխատման վճիռ են կայացնում: Երբ հասնում է գլխատման տեղը, աղոթում է.

«Ո՛վ Տեր՝ Երիտոն Աստված իմ, նրանք, որ կհիշեն իմ անունն իրենց երեւոյթան մեջ եւ կկատարեն իմ նահատակության հիշատակը ուխտով եւ պատարագով, ինչ որ ուզեն Զեզանից, լսիր եւ շնորհիր նրանց իրենց խնդրանքը»: Այդ ժամանակ երկնքից ձայն է լսվում. «Պիտի տամ քո խնդրանքը եւ պիտի կատարեն աղաչանքդ, իսկ դու երկար վայելիր քեզ համար պատրաստված բարիքները»:

Ապա դահիճը կտրում է նրա գլուխը, եւ անմիջապես լույս է ծագում նրա վրա: Տեսնելով այս՝ նրա պարսիկ 14 զինվորները, որոնք հավատարմորեն ծառայում էին նրան, ավելի են հաստատվում իրենց քրիստոնեական հավատքի մեջ, վերցնում են մարմինը, պատում մաքուր կտավով, որպեսզի պատվով թաղեն: Սակայն թագավորը, իմանալով այս մասին, հրամայում է նրանց էլ նահատակել: Երբ բոլորովին փչացնել էր ուզում բոլոր նահատակների մարմինները, լուր է գալիս, որ թշնամին իր երկիրն է մտել, եւ մոռանալով մարմինները՝ գնում է պատերազմ: Ապա հավատացյալները գիշերով գալիս եւ վերցնում են բոլոր նահատակների մարմինները եւ պատվով թաղում Համիան կղզված քաղաքում:

Քրիստոնյաները վերցրել են նաեւ սրբի մարմինը, տարել Ասորիք: Մաշտոցը նրա մատուցելով բերել է Հայաստան, ամփո-

փել Կարբի ավանում, Ուշիում եւ Գագա դաշտում նրա անունով շինել է եկեղեցիներ, որով Սարգսի գործարարը սրբացվել է Հայոց եկեղեցու կողմից՝ իբրեւ քրիստոնեական կրոնի համար մարտնչող նահատակ: Նրա վարքաբանությունն էլ գրավոր ավանդվել է մեզ՝ իբրեւ վկայաբանություն (սբ Մարգսի ամբողջական պատմությունը տակավին եպիսկոպոս Եղած ժամանակ գրել է Ներսես Շնորհալի հայրապետը՝ Հաղբատի վանքի վանահայր Գեւորգ Եպիսկոպոսի խնդրանքով):

Սբ Մարգսի մեծամեծ հրաշքեր գործող սուրբ է: Նա հատկապես հանդես է գալիս իբրեւ գերալինդերի, բանտարկյալների եւ հիվանդների օգնող եւ հրաշքեր գործող: Անգամ պարսիկները նրան անվանում էին «անհաղթ վկա եւ կատարիչ ամենայն խնդրածոց»: Այլադավանների կողմից գերված-շղթայվածներին ազատելու մոտիվն առաջին անգամ հիշատակված է Կիրակոս Գանձակեցու (13-րդ դար) Հայոց պատմության մեջ՝ կապված մոնղոլների կողմից գերված Վանական վարդապետի եւ Գագայում գտնվող Սբ Մարգսի սրբավայրի գործության հետ: Երբ թաթարները փրկագնով Վանական վարդապետին գերությունից ազատում են, իսկ Կիրակոսին եւ ընկերներին՝ ոչ, Վանականը հուսադրելով Կիրակոսին, ասում է. «Որոյա՛լ, ես երթամ անկանիմ առ ոտս սրբոյ Նշանին, որ յանուն սրբոյն Սարգսի, խնդրել նովա ի Տեառն վասն քո եւ այլ եղբայրոց որք կան ի ձեռս անօրինաց, զի թերեւս գերծուցե՛ս եւ քեզ Աստուած գթութեամբն Իւրով»: Դրան անմիջապես Կիրակոսն ավելացնում է. «Չի էր խաջ մի սքանչելագործ առ ամենայն նեղեալս, եւ մանաւանդ առ գերիս, զի որք ապաւինեին ի նա բոլորովսրտիվ, ինքն իսկ սուրբ վկայն Սարգսի բանայր գորուես բանտից եւ արգելանաց, եւ լուծաներ գերկաթսն, եւ առաջնորդեր մարմնաւոր տեւելեամ ի տեղիս իւրեանց եւ համբաւ սքանչելյացն տարածեալ էր ընդ ամենայն ազգս...»:

**Սբ Մարգսի տոնը:** Սրբի հիշատակը տոնում ենք Առաջավորաց պահքին հաջորդող շաբաթ օրը, այս պատճառով հաճախ սխալմամբ կոչվում է սբ Մարգսի պահք: Ըստ ուշ միջնադարից վկայված աղոթքներում գործածված բանաստեղծական մակդիրների՝ սբ Մարգսը ներկայանում է մի քանի տարբեր, բայց համազոր դրական հատկանիշներով: Նա լավ սպառազինված, արիասիրտ, պաշտպան ու պահպան գորակն է, որը միանգամայն համախոս է նրա եկեղեցական վկայաբանությանը, միաժամանակ եւ ատենահաս, այսինքն՝ ժամանակին հասնող եւ գերյալներին ազատող սուրբ: Ժողովրդական բանասիրության մեջ սրբի ամենատարածված մակդիրն է ատենահասը (ատենահաս սուրբ Մարգս), որն արդյունք է նրա՝ ձիավոր պատկերացման (ձին՝ իբրեւ արագավազության, արագահասության խորհրդանիշ), որից էլ՝ սրբի երկակի հատկանիշներով օժտված «ատենահաս բոզ ձիավոր սուրբ Մարգս» մակդիրը: Ուրեմն՝ ոչ միայն ձիավոր, այլեւ գորշասպիտակավուն (բոզ) ձիավոր, որ գալիս է ճերմակ ձիավոր հերոսների հետոյա պատկերացումից: Ժողովրդական բնագրերում առկա՝ սբ Մարգսին նվիրված չափածո աղոթքներում ձիավոր սուրբը հաճախ հանդես է գալիս որդու՝ սբ Մարտիրոսի հետ, մի մոտիվ, որ դարձյալ սերում է ժողովրդական վկայաբանությունից:

**Գործառնությունը:** Հայ բանավոր ավանդության մեջ սբ Մարգսը հանդես է գալիս մի շարք հատկանիշներով, որոնք նրան դարձնում են բազմագործառնությո սուրբ: «Ատենահաս» մակդիրն առնչվում է սբ Մարգսին տրվող մուրազատու (փափագակատար) անվանը, որը տրվում է նաեւ այլ սրբերի: Բայց սբ Մարգսի դեպքում այդ մակդիրն ունի առավել որոշակի իմաստ եւ կապվում է սիրո եւ ամուսնության փափագի կատարման հետ, եւ դա դառնում է սրբին բնութագրող ամենակարեւոր հատկանիշը:

Շարունակությունը՝ էջ 8



Սկզբը՝ էջ 5

Ժողովրդական գծի վրա նա հիշում է «Սասնա ծռեր» դյուցազներգությունը, հայրենները, աշուղական պոեզիան, գրական դեմքերից տալիս Գոշի, Այգեկցու, Ֆրիկի անունները, այնուհետև անցնում է Լարեկացուն, Մագիստրոսին, Շնորհալուն, Որոտնեցուն, երկու Երզնկացիներին, Յերազուն, Իմաստասերին, Աղթամարցուն, Թլկուրանցուն, քննում մի քանի մանրապատումներ, անդրադառնում մանրանկարչությանը, ճարտարապետությանը և անվերապահորեն հաստատում հայկական Վերածննդի գոյության իր հիմնական դրույթը: Միջանկյալ նշենք, որ աշուղական պոեզիան եւ գունե Զուլալի վերագրվող հայրեններն ավելի ուշ ժամանակի գրական-մշակութային իրողություններ են եւ այդ տեսադաշտում չպետք է ընդգրկվեն:

Գրքին կցված Նիկոլայ Կոնրադի (1891-1970) «Վերջաբանում» Վերածնունդը դիտարկվում է որպես Արեւմուտքով պայմանավորված զարգացման ու վերափոխությունների ընդհանուր պատկեր: «Կարելի է մտածել, որ մենք կգանք այն եզրակացության, թե Իտալիայի պատմության մեջ «Վերածնունդի Եպոխա» կոչվող ետապը հանդիսանում է ոչ միայն

# ՆԱՅԿԱԿԱՆ ՎԵՐԱԾՆՆՈՒՆԴ

(Ժամանակը եւ առանձնահատկությունները)

Իտալիայի, այլեւ այն բոլոր երկրների ժողովուրդների պատմության պատկանելությունը, որոնք ունեն երկար, անընդհատ զարգացող, կուլտուրական բովանդակությամբ հարուստ պատմական կյանք, հետեւաբար, նրանց պատմության համար Վերածնունդը «մասնավոր դեպք» է, այլ ընդհանուր պատմական օրինաչափություն: Կարելի է մտածել, շարունակում է նա, որ զանազան երկրների «Վերածնունդի Եպոխաների» համեմատությունը մեզ ցույց կտա, որ այդ Եպոխաների համար հիմնականը հանդիսանում է ոչ թե իր երկրի անցյալին, իր «անտիկ շրջանին» դիմելը, այլ հումանիզմը <...>, այսինքն՝ մարդուն դիմելը» (էջ 228):

«Վերածնունդ» եզրույթի այսպիսի ազատ օգտագործումն այն դարձնում է խիստ պայմանական՝ ինչպես նմանությունների մատնանշումով, այնպես էլ տարբերությունների: Ժամանակատարածական ազատ սահմաններ ունեցող այսպիսի Վերածնունդի դրույթը հաստատելու համար Կոնրադը դիմում է տարատեսակ լրացյալ միջամտությունների եւ, ի վերջո, առանձնացնում «ինքնուրույն» եւ «արտացոլված» «Վերածնունդի Եպոխաներ» (էջ 229), ըստ ամենայնի, ոչինչ չատող ձեւակերպումները: Զմուռանանք՝ Կոնրադը ճապոնական, չինական եւ կորեական գրականությունների մասնագետ էր եւ հակված էր եվրոպական Վերածննդի սահմաններն ամեն կերպ ձգել մինչեւ ծայր Արեւելք, ուր այդ մասին համապատասխան դարաշրջանում պատկերացում անգամ չէն ունեցել: Այստեղից էլ նրա պատկերացրած Վերածննդի անվերջ առաձգականությունն ու կատարյալ անորոշությունը:

Պետք է վերացնել նաեւ հարեւան ժողովուրդներից իբր թե ետ չմտնող կեղծ մրցակցային վիճակի մտայնությունը: Եթե 1947-ին Շ. Նացուրի ձեռնարկով «Ռուսթավելին եւ արեւելյան Վերածնունդը» գիրքը, ապա նախ պետք է այն նմանակել եւ այնուհետեւ, խանդով լցված, համարժեքը որոնել սեփական գրականության մեջ, որովհետեւ «արեւելյան Վերածնունդ» եզրույթը պայմանական է: Այս տեսակետից տեղային առանձնահատկությունների այլ բնութագրով պետք է ընկալել ու գնահատել ոչ միայն Չալոյանի «Չալոյանի Ռենեսանս» գրքին կցված Կոնրադի հիշյալ վերջաբանը, այլեւ Վլադիմիր Ժիրմունսկու «Ալիշեր Նավոյին եւ Վերածննդի խնդիրը արեւելյան գրականություններում» (1961, ռուսերեն) հոդվածը: Միանգամայն տեղին է ռուս հին գրականության պատմաբանի՝ բուն Վերածննդի Եուրոպայից բխող ձեւակերպումը: «...Վերածնունդը միջանկյալ մշակութային տեսակի՝ միջնադարի վրայով կամուռ է նետում անտիկ շրջանին» (Դ. Լիխաչով, 10-17-րդ դարերի ռուս գրականության զարգացումը, Լենինգրադ, 1973, էջ 10, ռուսերեն): Ինչպես Ս. Լուսեի «Վերածննդի գեղագիտությունը», այնպես էլ Ն. Կոնրադի «Արեւելք եւ Արեւմուտք» աշխատություններում Չալոյանի գրքի կապակցությամբ թեմ անդրադարձներ կան նաեւ հայկական վերածննդին, բայց երկու դեպքում էլ հիմքում նույն մարքսիզմն է: Կոնրադը տեսակետ է հայտնում. «Չայաստանի համար, օրինակ, լիովին իրական են նույն դասական, այսինքն՝ հունահռոմեական ժառանգությունը, ինչ որ եւ Իտալիայի համար...»: Նա այդ չափազանցված հարազատությունն այնքան է խորացնում, որ ի վերջո հանգում է այսպիսի հարմարեցված գաղափարի. «Չայաստանի պատմությունը հնուց

նույնքան պատկանում է Արեւմուտքին, որքան Արեւելքին: Այդ պատճառով Վերածնունդի դարաշրջանի սկզբնավորումը, ծագումը Չայաստանում անգամ կարող են մեկնաբանվել որպես Արեւմուտքի Վերածնունդի շրջանակների անհրաժեշտ քննություն» (Ն. Կոնրադ, Արեւելք եւ Արեւմուտք, 1966, էջ 22, ռուսերեն): Մկրյանի, Չալոյանի նույն այս տեսակետը շարունակվում է Չրանտ Թամրազյանի «Չայ քննադատություն» (գիրք Բ, Եր., «Սովետական գրող», 1985) աշխատության մեջ: Նա առանձնացնում է «Չայաստանը 10-րդ դարում եւ վաղ վերածնունդը», իսկ Կոստանդին Երզնկացու կապակցությամբ՝ «Վերածնունդի մեղդիները» բաժինները եւ հիմնավորապես պաշտպանում շրջանառված տեսակետը: Այստեղ եւս քաղաքական ու տնտեսական զարգացումը բնորոշվում է «վերածնունդ» բառով, որը վերածվում է դարաշրջան բնութագրող եզրույթի: Գրականագետը հարցնում է. «Վե՞ճը հատկապես ծավալվում է հայկական վերածննդի շուրջ: Եղե՞լ է, թե՞ չի եղել հայոց վերածնունդ, համապատասխանում է արդյոք այդ վերածնունդ կոչվածը այն չափանիշներին, որ նկատել են մարքսիզմի դասականները» (էջ 27): Ըստ նրա՝ նույն մարքսիզմի հիմունքներով ոմանք (Բաբկեն Առաքելյան) պնդել են, որ «...Չայաստանում տեղի է ունեցել ոչ թե վերածնունդ, այլ սովորական զարգացում, քանի որ մեր կյանքի հատկությունները եւ երեւույթները չեն համընկնում եվրոպական վերածննդի բնորոշ գծերին» (էջ 27): Բայց Թամրազյանը նույն մարքսիզմի տեսությամբ ապացուցում է հակառակը:

Մարքսիզմի դասականներն ինչ էլ ասած լինեն, ինչպես էլ ասած լինեն, նրանց խոսքը չի կարող վերաբերել Չայաստանին, որովհետեւ նրանց տեսադաշտում Չայաստան չի եղել: Ուստի նրանցից ինչ մեջբերում էլ արվի, ինչպես էլ մեկնաբանվի, սոսկ հարմարեցում պետք է համարել, իսկ Վերածննդի գոյությունը՝ պարզ ընդօրինակություն:

Շարունակելի  
Չալոյանի ԳԱՍՊԱՐՅԱՆ  
Բանասիրական գիտ. դոկտոր, պրոֆեսոր

# ԱՐԴԱՐԱՅՈՒՄՆ ԱՍՏՎԱԾԱԾՆՉՈՒՄ

Սկզբը՝ էջ 3

Մենք արդարանում ենք, քանզի մեզ համար խաչվեց ու հարություն առավ Փրկիչը. աներեր հավատով մասնակից ենք դառնում փրկագործությանը, «...որովհետեւ Աստծո արդարությունը, որ հավատից է, հավատի՛ համար է հայտնվում, ինչպես որ գրված է, թե՛ արդարը հավատով է ապրելու» (Յոհ. 17): Այսինքն՝ Պողոս առաքյալը կարեւորում է «արդարացումը հավատի միջոցով»:

Նրան հանդիմանում էին, որ արդարացման մասին նրա ուսմունքի հիմքում հավատն է, թե իբր այդ ուսմունքը չի ընդգրկում բարոյական-վարքագծային դրոշապատճառներ, որոնք մարդուն կստիպեն հավատարիմ մնալ Աստծուն եւ հնազանդվել Նրան: Այս մասին հստակ վկայում է Յոհաննեսի ռոզոված թուղթը. «Ուրեմն, ահա թե ինչպես են նախատում մեզ, եւ ինչպես ումանք մեր մասին ասում են իբր թե ասած լինենք՝ չարիք գործենք, որպեսզի բարին գա...» (Գ 8): Վերոնշյալ մեղադրանքին Պողոս առաքյալը պատասխանում է՝ մենք Բրիստոսի հետ արդեն իսկ մահացել ենք մեղքի համար, ինչպես՝ շարունակենք դրա մեջ

ապրել (հմմտ. Յոհ. 2 2): Ապա հիանալի հիմնավորում է իր վարդապետությունը. «...մենք բռնորոս, որ մկրտվեցինք Յիսուս Բրիստոսով, Նրա մահով է, որ մկրտվեցինք: Մկրտությամբ թաղվեցինք Նրա հետ մահվան մեջ, որպեսզի, ինչպես որ Բրիստոս մեռելներից հարություն առավ Յոր փառքով, նույնպես եւ մենք քայլերը նոր կյանքով. որովհետեւ, թե՛ Նրա մահվան նմանությամբ տնկակից եղանք Նրան, պիտի լինենք նաեւ Նրա հարության նմանությամբ...» (Յոհ. 2 3-5): Փրկչի՝ Բրիստոսի հետ խաչվեց մեր միջի հին մարդը, որպեսզի քայքայվի մեղքի մարմինը, եւ մենք այլեւ ճառագեցնեք մեղքին (հմմտ. Յոհ. 2 6): Այսինքն՝ Չայրը, Իր միածին Որդուն զոհաբերելով, մեզ ազատեց մեղքի ճիւղերից. այլեւ մեղքի ծառաներ չենք եւ պետք է ապրենք նոր՝ նորոգ կյանքով, մեռած համարենք մեզ մեղքի համար, բայց կենդանի՝ Աստծու համար:

Սուրբ Գրքում արդարացման խնդիրը քննարկվում է նաեւ վախճանաբանական համատեքստում: Պողոս առաքյալն իր թղթերում հիշեցնում է Ահել դատաստանի մասին եւ նկարագրում, թե ինչպիսին պետք է լինեն ճշմարիտ քրիստոնյայի

վարքագիծն ու կյանքը. «...յուրաքանչյուրի գործը հայտնի կլինի. որովհետեւ դատաստանի օրը այդ պիտի երեւա, քանի որ կրակով՝ հայտնի պիտի լինի. եւ յուրաքանչյուրի գործը, ինչպես որ է, կրակը պիտի փորձի...» (Ա Կորնթ. Գ 12-13): Նա զգուշացնում է, որ չպետք է փորձել Աստծուն, ինչպես դա արեց Իսրայելը, չպետք է կասկածի տակ դնել Նրա անսասանելի արդարամտությունը, ողորմածությունն ու անսահման սերը (հմմտ. Ա Կորնթ. Ժ 1-13). աներկմտելի հավատը, վստահությունն ու խոնարհությունն են այն հիմնաքարերը, որոնց վրա կառուցվում է դեպի արդարացում տանող այլընտրանք: Պողոս առաքյալի թղթերում ընդգծվում է այն միտքը, որ «ի Բրիստոս հավատալով ենք արդարանում», քանզի «...Աստծու արդարությունը ի Յիսուս Բրիստոս եղած հավատի միջոցով է բոլոր հավատացողների համար. չկա ոչ մի խտրություն. որովհետեւ բոլորն էլ մեղք գործեցին եւ զրկվեցին Աստծու փառքից, բայց Նրա շնորհիվ ձրի արդարացան Բրիստոս Յիսուսի միջոցով եղած փրկությամբ» (Յոհ. Գ 22-24):

Արդարացման անդրադարձել է նաեւ Յակոբոս առաքյալը. նա իր



Ընդհանրական թղթում նկարագրում է այն բոլոր վտանգները, որոնք խարխիլում են ճշմարիտ քրիստոնյայի հոգեւոր կյանքը: Երկրային վայելքները, շահը, կյուրաքանչյուրությունը խոչընդոտներ են առ Աստված տանող ճանապարհին: Յակոբոս առաքյալն առավել կարեւորում է հավատի վկայությունները՝ գործերը, քանզի «հավատն առանց գործերի մեռած է» (հմմտ. Յակ. Ա 17): Յակոբոս առաքյալի կյանքը, առանց հավատն արտահայտող գործերի, ոչինչ է. «Ո՛վ փուչ մարդ, ուզո՞ւմ ես իմանալ. հավատը դատարկ բան է առանց գործերի: Աբրահամը՝ մեր հայրը, չէ՞ որ գործերով արդարացավ՝ սեղանի վրա հանելով իր որդուն՝ Իսահակին՝ որպես զոհ...» (Յակ. Բ 20-21): Ըստ Յակոբոս ա-

ռաքյալի՝ հավատը «գործակից» է լինում գործերին, եւ «գործերով էլ հավատը կատարյալ է դառնում» (հմմտ. Յակ. Բ 22): Արարչի կատարելության եւ գործության համեմատ մեր մեղսավոր ու չնչին լինելու գիտակցումն է թույլ տալիս լսել Նրա խոսքը, պահել Նրա ճանապարհները եւ երկրային կյանքի խավարում աստվածային լույսը գտնել. «Եվ արդ, Դու միայն Աստուած երկնաւոր՝ բարձրեալ, բարեգործ. Ըն է զօրութիւն, Ըն ներողութիւն, Ըն բժշկութիւն, Ըն առատութիւն, Ըն են պարգեւք, Ըն միայնոյ են ձիրք ձրի, Ըն քաւութիւն, Ըն պաշտպանութիւն...» (Ս. Գրիգոր Նարեկացի, «Մատենա ողբերգութեան», Բան Ժ2, Ա):

Արիստե ԶԱՆԹԻԿՅԱՆ



Սկիզբը՝ էջ 4

Ճակատագրով, ինչպես եւ ներաշխարհով ու մտածողությամբ իրար հարազատ այս երկու հոգիների առաջին հանդիպումը տեղի է ունեցել հեռակա, երբ 1920 թ. նոյեմբերին արտասահմանից վերադարձած Թեքեյանը ձեռնարկել էր Ռամկավար ազատական կուսակցության միացումը, ընտրվել կուսակցության նախագահ եւ խմբագրում էր կուսակցության օրգան «Ժողովրդի ձայնը» օրաթերթը: Սյուրմեյանը, կոտորածների պատճառով որբանալով, թափառել էր ռուսական մի շարք քաղաքներում, 1918-ին վերադարձել Կ. Պոլիս, կարճ ժամանակով ուսանել Արմաշի գյուղատնտեսական վարժարանում (Սյուրմեյանի այս նախասիրությունը գալիս էր նրա մորեղբորից՝ Հարությունից, ով երկրագործություն էր ուսանել Եվրոպայում, սակայն թըրքախոսի պատճառով կիսատ էր թողել ուսումը եւ վերադարձել իր գերդաստան ու կնքել իր մահկանացուն, նա ունեցել է նաեւ գրական հակումներ), որը աշակերտների հետ մեկնել էր Յայաստան ու Կարսի անկումից եւ Յայաստան թուր-

# ՎԱՀԱՆ ԹԵՔԵՅԱՆ - ԼԵՎՈՆ ՉԱՎԵՆ ՍՅՈՒՐՄԵՆՅԱՆ. ՄԵՐՏ ԲՎՐԵԿՎԱՌԻԹՅՈՒՆ ԵՎ ՎՆԴԱՐԱ ԲՎԺՎՆՈՒՄ

քերի ներխուժումից հետո նորից վերադարձել Կ. Պոլիս, ապրել Պոլսի Եսայան վարժարանում տեղավորված որբանոցում եւ մի քանի ամիս սովորել Կեդրոնականում՝ ուսուցիչներ ունենալով Հ. Օշականին, Կ. Չարյանին, Գ. Գավաֆյանին եւ այլոց: Այս օրերին էլ Սյուրմեյանը Թեքեյանի հրատարակած թերթում տպագրում է իր երկու բանաստեղծությունները (մինչ այդ Սյուրմեյանը Կ. Պոլսի «Ճակատամարտ» թերթում տպագրել էր Հայաստանում իր անցկացրած ամիսների տպավորությունները), որոնց հեղինակի իսկությանը Թեքեյանը տեղյակ է լինում միայն հետո ու իմանում, որ իր սանն է:

Վահան Թեքեյանը հանձին Սյուրմեյանի տեսնում է ապագա մեր շնորհալի բանաստեղծներից մեկին եւ անգամ նմանություն՝ իր ու պատանի Սյուրմեյանի բանաստեղծական զգայնությունների միջեւ: Սյուրմեյանը Թեքեյանի «երազած» ու այնքան տեսչված տղան էր՝ իրեն հայտնված մի փոքր մեծացած: Սյուրմեյանը նա հավատացած էր, որ Սյուրմեյանն իր «կարօտ ազգին» ավելին պիտի տա, քան «մեկ քանի լաւագոյններ տուած են»: Եվ հենց այս համոզմամբ Թեքեյանի հարաբերությունները գնալով խորանում են՝ տեղից տալով ջերմ ու սրտառու մի բարեկամության, որն աննախադէպ երեսույթ է մեր գրական-մշակութային կյանքում եւ որն ակունքով էր երկու կարեւոր ելակետից. Թեքեյանը Սյուրմեյանի համար ամուր հենարան էր, խորհրդատու եւ հայրական ողջ հոգատարությամբ լցված անձ, ով, ի լրումն այդ ամենի, նաեւ մեծ բանաստեղծ էր, ուսուցիչ, ազգային գործիչ, իսկ Սյուրմեյանը Թեքեյանի համար այն անձն էր, ում մեջ նա տեսնում էր մարմնացումն իր ոչ միայն հոգեւոր, այլեւ տեսչացված ֆիզիկական զավակի,

որի նկատմամբ տածում էր «... հայր չեղած մարդու պահուած աղապատանք» ու «բոլորովին չանցած պատանութեան մը անուշ երազներ» (Վահան Թեքեյանի նամակները Լեւոն Չաւեն Սիւրմեյանին, Նիւ Եորք, 1950, էջ 21-22):

Սակայն, որքան էլ զարմանալի թվա, մամուլում արդեն տպված գործերի հեղինակ, Թեքեյանի ու Հակոբ Օշականի խրախուսանքների արժանացած Սյուրմեյանը, ինչպես ինքն է վկայում, մտադիր չէր իր ուսումը շարունակել Կեդրոնականում եւ բոլորովին էլ հավակնություն չուներ բանաստեղծ դառնալու. «Ես կուզեի մեկնիլ Ամերիկա, երկրագործական գիտության տիրանալու՝ Հայաստանի համար: ... Ես բանաստեղծ չեի» («Սովետական գրականություն», Եր., 1980, թիվ 6, էջ 96): Չենք կարող չասել, որ իրականում Սյուրմեյանն իրոք օժտված էր բանաստեղծական շնորհով, բանաստեղծ էր իր Եուրոպայում ու տաղանդով, բայց բանաստեղծ չէր իր նախասիրություններով ու նպատակներով:

Դաշնակից մեծ պետությունները քիչ-քիչ Թուրքիային էին զիջում Առաջին համաշխարհային պատերազմի հետեւանքով իրենց գրաված հողերը: Խուճապը հասնում է մինչեւ Պոլիս: Թեքեյանը Սյուրմեյանին հորդորում է չհեռանալ եւ շարունակել ուսումը: «Անտուն եւ անոթի որբ» Սյուրմեյանն ընկերների հավաքած դրամներով եւ Պոլսում գործող Հայ գյուղատնտեսական միության աջակցությամբ Ամերիկա մեկնող մի նավի նկուղի տոմսակ է գնում ու 1922-ի օգոստոսին հեռանում Պոլսից:

Ավելի ուշ՝ 1922 թ. հոկտեմբերին, Սյուրմեյանին գրած նամակում Թեքեյանը նշում է, որ ինչ լավ արեց, որ իրեն չլսեց, քանի որ ամեն բան դէպի «գեշն» է գնում, եւ փախչողներն ու ցրվողները գնալով շատանում են:

Անկեղծությամբ ու հոգատարությամբ լեցուն եւ հուզականությամբ թոթովուն բարեկամության մի նոր շրջան են թեւակոխում Թեքեյան-Սյուրմեյան հարաբերությունները՝ այս անգամ նամակագրության միջոցով:

Ամեն բան փոխադարձ էր. Թեքեյանն իր նամակներում ամենայն գործով Սյուրմեյանին անվանում է «սիրելի տղաս», իր աղապատանքը հայտնում, որ պիտի տաքացնի Սյուրմեյանի «մրտոլ սիրտը», հավաստիացնում, որ ինքն էլ «իր ցուրտին մէջ» պետք ունի Սյուրմեյանի գործին, Սյուրմեյանն էլ գրում է, որ Ամերիկայում ինքը ոչ մի մտերիմ չունի եւ իրեն համարում է կրկնակի որբացած, եւ որ Թեքեյանի նամակներն իրեն շատ են օգնում ճիշտ կողմնորոշվելու կյանքի հորձանտում: Այս ընթացքում գրված երկուստեք նամակներն էլ աչքի են ընկնում ջերմությամբ ու անմնացորդ նվիրումով:

Բանաստեղծությունը՝ բանաստեղծություն, գրական շնորհը՝ շնորհ, ամրակայող հայր-զավակ հարաբերությունները՝ երկուստեք բաղձալի, բայց Սյուրմեյանի համար գոյություն ուներ մի ուրիշ նպատակ, որի մասին նա երազել էր վաղուց եւ անելու էր ամեն ինչ՝ այն իրականացնելու համար. ստանալ երկրագործական հիմնավոր կրթություն ու մեկնել Հայաստան՝ այնտեղ կիրառելու իր գիտելիքները. ծառ տնկել հայրենի հողում ու նպաստել գյուղատնտեսության զարգացմանը: Իր նպատակին հասնելու համար Սյուրմեյանն ընդունվում է Կանզասի երկրագործական քոլեջ (հետագայում սովորել է նաեւ Նեբրասկայի եւ Կալիֆոռնիայի համալսարաններում):

Շարունակելի  
Արծրուն ԱՎԱԳՅԱՆ  
Բանասիրական գիտ. դոկտոր, պրոֆեսոր

## Սկիզբը՝ թիվ 1

Մեկ այլ դասի ընթացքում ուսուցչի նպատակն էր երեխաներին բացատրել աղմուկի եւ ձայնի տարբերությունը: Նա սկսեց մի երկար պատմություն պատմել երեխաներին: Հանկարծ, նախապես որոշված իմաստով, ինչ-որ մեկն ուժեղ թակեց դասարանի դուռը: Ուսուցիչը խոսքն ընդմիջեց եւ բղավեց. «Ի՛նչ է սա, ի՛նչ պատահեց, ի՛նչ տեղի ունեցավ, երեխաներ, դուք գիտե՞ք, թե ինչ արեց այդ մարդը դռանը: Ես չեմ կարող շարունակել իմ պատմությունը, չեմ հիշում: Ես ստիպված եմ վերջացնել այն՝ առանց ավարտելու: Դուք գիտե՞ք, թե ինչ պատահեց, լսեցի՞ք, հասկացա՞ք, դա աղմուկն էր, աղմուկ: Ես կգերադասեի խաղալ այս փոքրիկ երեխայի հետ (վերցնում է մանդոլինան, որը դրել էր սեղանի ծածկոցի տակ): Այո՛, սիրելի՛ փոքրիկ, ես ցանկանում եմ խաղալ քեզ հետ»: Մի քանի աշակերտ բղավեցին. «Դա մադոլինա է»: Ուսուցիչը համառում է. «Ո՛չ, սա փոքրիկ երեխա է: Ես սիրում եմ այս երեխային: Ուզո՞ւմ եք, ես ձեզ ցույց տամ, որ սա երեխա է: Ապա լուռ նստեք: Ինձ թվում է՝ երեխան լալիս է, գուցե նա ցանկանում է խոսել, մայրիկ կամ հայրիկ կանչել»: Մտնում է ձեռքը սեղանի տակ եւ դիպչում մանդոլինայի լարերին. «Դուք լսո՞ւմ եք երեխայի լացը. լսո՞ւմ եք, որ նա կանչում է»: Մի երեխա բացականչեց. «Դա մանդոլինա է, Դուք նվագում եք»: Այդ ժամանակ ուսուցիչը պատասխանեց. «Լռի՛ր, լսի՛ր՝ ինչ եմ պատրաստվում անել»: Նա հանեց մանդոլինան, սկսեց նվագել՝ ասելով. «Սա ձայն է»:

# ՄԱՐԻԱ ՄՈՆԹԵՍՈՐԻ ԻՆՉՉՊԵՆ ԴԱՍԱՎԱՆԴԵՆ



Ենթադրել, որ բացատրման այս եղանակով երեխան տարբերակեց ձայնն ու աղմուկը, ծիծաղելի է: Աշակերտն ավելի շուտ այն տպավորությունն ունի, որ ուսուցիչը ցանկանում է խաղալ իրենց հետ, եւ նա անմիտ է, քանի որ կորցրել է մտքի թելը՝ նախ աղմուկի պատճառով, իսկ հետո՝ մանդոլինան երեխայի հետ շփոթելով: Մեծ հավանականությամբ՝ ուսուցչի կերպարն ավելի մեծ տպավորություն է գործել նրանց վրա, քան թե

այն առարկան, որի ուսուցումը դասի հիմնական նպատակն էր:

Իրականում դժվար խնդիր է ուսուցչից ակնկալել համապատասխան մեթոդներով դաս: Հիշում եմ՝ ընդհանուրի եւ մասնավորի բացատրությունից հետո ես կանչեցի իմ ուսուցիչներից մեկին, որպեսզի երկրաչափական պատկերների օգնությամբ սովորեցնի քառակուսին եւ եռանկյունին: Ուսուցչի խնդիրը պարզ է. փայտե քառակուսին ու ե-

ռանկյունին պետք է տեղավորի համապատասխան տախտակի դատարկ տեղերում: Նա պետք է իր մատերի շարժումներով ցույց տա առարկան՝ միաժամանակ ասելով. «Սա քառակուսի է: Սա եռանկյունի է»: Ուսուցիչը, ում ես կանչել էի, միանգամից աշակերտին տվեց քառակուսին՝ ասելով. «Սա կողմ է, սա նույնպես, եւս մեկ կողմ, նորից կողմ: Չորս կողմ ունի, հաշվի՛ր քո փոքրիկ մատներով եւ ասա՛՛ քանի կողմ ունի: Հաշվի՛ր նաեւ անկյունները, զգա դրանք քո փոքրիկ մատներով»: Ես ուղղեցի ուսուցչին՝ ասելով, որ այդ եղանակով նա չի ծանոթացնում պատկերներին, այլ տեղեկություն է տալիս պատկերի կողմերի, անկյունների եւ թվերի մասին, իսկ դասի նպատակը դա չէր: Ուսուցիչն առարկեց ինձ, որ դրանք իրականում նույնն են: Բայց միանգամայն այդպես չէ. դա երկրաչափական վերլուծությունն է թվերի առարկայացում է: Կարելի է պատկերի մասին տեղեկություն տալ՝ առանց հաշվելու մինչեւ չորսը եւ հետեւաբար՝ առանց հաշվելու անկյուններն ու կողմերը: Կողմերն ու անկյուններն այդ պահին համարվում են վերացական, դրանք գոյություն չունեն, այն, ինչ այդ պահին կա, փայտի կտոր է՝ որոշակի պատկերի ձեւով: Ուսուցչի բարդ բացատրությունը ոչ միայն շփոթեցնում է երեխայի միտքը, այլեւ խառնում է կոնկրետի եւ վերացականի հեռավորությունը, առարկայի ձեւը եւ թիվը:

Շարունակությունը՝ էջ 8

Սկիզբը՝ էջ 7

Ենթադրենք, ես եմ օրինակ բերում ուսուցչին, ճարտարապետը ձեզ ցույց է տվել գմբեթավոր շինություն, որի ձեռք ձեռք հետաքրքիր է: Նա 2 մետրով կարող է ձեռք ներկայացնել այդ առարկան. ձեր ուշադրությունը դարձնելով կամարի գեղեցկությանը, մասերի ներդաշնակությանը կամ պարզապես ձեզ շենքի ներս կիրավորի եւ ցույց կտա ներսից բոլոր մանրամասները, որ դուք կարողանաք գնահատել շինության մասերի համամասնությունն ու ներդաշնակությունն այնպես, որ շինության մասին ձեր պատկերացումը հիմնվի նրա բոլոր մասերի ճանաչողության վրա: Նա կարող է ձեռք առաջարկել հաշվել պատուհանները, լայն ու նեղ քիվերը: Բայց նա կարող է առաջարկել ձեռք նաեւ շինության մանրակերտը եւ ցույց տալ չափագրման միջոցները, որոնք անհրաժեշտ են շենքի կառուցման համար: Առաջին դեպքում դուք ձեր մտքում կպահեք գմբեթի ձեռք, երկրորդ դեպքում, ոչինչ չհասկանալով, կհեռանաք՝ մտածելով, որ ճարտարապետը խոսում էր ինձեներին հետ, ոչ թե սովորական անցորդի, ում նպատակն էր ծանոթանալ՝ նրա մասին հստակ գիտելիքներով: Նույնն է, երբ մենք երեխային փոխանակ ասելու՝ «Սա քառակուսի է» եւ նրան տալու պատկերը, որ նա դիպչի եզրագծերին՝ ձեռք մասին գաղափար կազմելու համար, անցնում ենք երկրաչափական վերլուծության:

Իրականում մենք պետք է զգանք, որ առաջ ենք անցնում՝ երեխային սովորեցնելով մարմնի (քառակուսու) երկրաչափական պատկերը, միաժամանակ գաղափար տալով թվաբանության մասին, մենք չենք ընդունում, որ երեխան կրկնակի անգոր է՝ ընդունելու այդ պարզ ձեռք, ընդհակառակը, երեխայի համար տարբերությունն չկա քառակուսու, պատուհանի ու սեղանի (ձեռքերի) միջեւ, նա այդ ամենը տեսնում է առօրյա կյանքում: Նրա ուշադրությունը որոշակի ձեռք, պատկերի վրա հրավիրելու համար անհրաժեշտ է հստակեցնել առարկայի մասին նրա տպավորությունը եւ ամրագրել այն:

Դա նման է նրան, երբ մենք, ասենք, փնտրում ենք ինչ-որ մտացածին լճափ, հանկարծ նկարիչն ասում է. «ԻՆչ հրաշալի է ափը՝ ժայռի տակ ստվերված»: Նրա խոսքերից տպավորված՝ մենք անգիտակցաբար պատկերացնում ենք

# ՄԱՐԻԱ ՄՈՆԹԵՆՈՐԻ ԻՆՉՊԵՆ ԴԱՍԱՎԱՆԻՒՄԸ



լճափը մեր մտքում. ասես միանգամից լուսավորվում ենք արեւի շողերով եւ ուրախանում այն պատճառով, որ հիմա մենք հստակ պատկերացնում ենք այն, ինչ մինչ այդ անորոշ էինք զգում:

Այդպես է նաեւ մեր պարտքը երեխայի նկատմամբ. տալ լույսի շողը, որպեսզի նա քայլի այդ ճանապարհով: Այս ամենը ես կարող եմ նմանեցնել մեկին, ով քայլում է հանգիստ, միայնակ, մտքերով տարված՝ ունակ իր ներքին կյանքն ազատ փոխելու: Հանկարծ հեռվից եկող զանգակների ձայնն արթնացնում է նրան, եւ այդ գարթոնքից նա զգում է ավելի ուժեղ, քան այն խաղաղության ու գեղեցկության մեջ, որ նա առաջ կար, բայց նաեւ գիտակցված: Կյանքը խթանելու համար այն պետք է ազատորեն զարգացնել, ընդարձակել. սա մանկավարժի առաջին խնդիրն է: Այս նուրբ խնդրին մեծ արվեստ է պետք՝ սահմանափակելով միջամտությունը. մենք չպետք է արթնացնենք հոգեկան որեւէ խռովություն, որն առաջ կբերի շեղում, այլ պետք է օգնենք երեխային, որ կյանքը մտնելով՝ ապրի իր սեփական ուժերով: Այդ արվեստը պետք է ուղեկցվի գիտական մեթոդներով:

Ուսուցիչն այսպես պետք է շփվի իր աշակերտների հետ՝ «հոգին հոգու հետ»՝ ոգելով եւ արթնացնելով նրանց մեջ կյանքը. անտեսանելի ոգու նման նա պետք է տիրի յուրաքանչյուրի հոգուն, եւ նրա ամեն մի բառը կբավարարվի, ամեն մեկը պիտի զգա նրան իր կյանքում, ճանաչի նրան եւ լսի: Կգա մի օր, երբ տնօրենը զարմանքով կտեսնի, որ բոլոր երեխաները ջերմությամբ եւ մեղմությամբ հնազանդվում են ուսուցչին: Նրանք կնայեն ուսուցչի կողմը իբրեւ մեկի, ով նրանց կյանք է տվել եւ դեռ կսպասեն նոր կյանքի: Փորձաքննությունը ցույց տվեց այդ ամենը, եւ սա է այն գլխավոր զարմանքի պատճառը, որ ունենում են բոլորը, ովքեր մտնում են «Մանուկների տուն»: Այսպիսով՝ խմբային կարգապահությունն ստացվում է ինչ-որ մոգական ուժով: 2,5 - 6 տարեկան 50-60 երեխա բոլորը միասին եւ ամեն մեկն առանձին-առանձին գիտի՝ ինչպես հասնել կատարյալ խաղաղության, որ նրանց բացարձակ լուրջությունը թվա մի անապատ: Եվ թեթ ուսուցիչը ցածր ձայնով ասի աշակերտին. «Կե՛ր կաց, ոտնաթաթերի վրա մի քանի անգամ պտտվիր սեյսակում եւ լուռ վերադարձի՛ր քո տեղը», բո-

լորը միասին, մեկ մարդու պես, վեր կկենան եւ կկատարեն ուսուցչի հանձնարարությունը՝ նվազագույն աղմուկով: Ուսուցիչն ասում է յուրաքանչյուր երեխայի, եւ նրանցից ամեն մեկն ակնկալում է նրանից միջամտություն, որ ստանա ինչ-որ խորհուրդ եւ ներքին երջանկություն: Այդպես գիտակցելով՝ նա առաջ է գնում առանց կանխամտածված դիտավորության՝ իր հետազոտության մեջ հետեւելով իր իսկ իրահանգներին:

Կարգապահության այս եղանակը նման է խմբավարի աշխատանքին: Խմբավարը պետք է պատրաստի իր սաներին մեկ առ մեկ, որպեսզի իրենց խմբային աշխատանքում նվազեն համաչափ ներդաշնակությամբ: Յուրաքանչյուր արվեստագետ պետք է կատարելագործվի իբրեւ անհատ, մինչեւ պատրաստ լինի հետեւելու մատերոյի լուռ հրամաններին:

Այսպիսով՝ մենք գտնում ենք, որ առավել կարգապահ են հասարակության այն անդամները, ովքեր լավագույնս պատրաստված են, կատարելագործված, բայց այդ պատրաստվածությունն ու կատարելագործումը պետք է արտահայտվի մարդկանց հետ շփման միջոցով: Խմբային, հավաքական կատարելությունն չի կարող լինել ստիպողական համերաշխությամբ: Մինչ օրս մենք տիրել ենք երեխաներին ուժով, արտաքին օրենքների ազդեցությամբ, փոխանակ նվաճելու երեխայի ներքինը: Բայց եթե մենք հեռու վանենք մեզանից արհեստականությունը, որով ուղեկցվում ենք, եւ բռնությունը, որի միջոցով փորձում ենք նրանց դաստիարակել, նրանք իրենք իրենց կբացահայտեն ողջ ճշմարտությունը՝ իրենց բնության մասին:

Նրանց հեզությունն այնքան բացարձակ է, այնքան քաղցր, որ մենք նրանցով ընդունում ենք ողջ մարդկության մանկությունը, որն անփոփոխ է մնում բոլոր փոփոխվող ժամանակներում, ամեն անարդարության մեջ, եւ երեխայի սերը դեպի կրթությունը գերազանցում է բոլոր այլ «սերերը» ու ստիպում մտածել, որ ճշմարիտ մարդկությունը պետք է իրականացնել այն շրջանակներում, որը կորդի մարդկանց մտքի հերթական նվաճումների՝ վերացնելով դարեդար փոխացնվող ստրկության յուրաքանչյուր տեսակ:

Սնվելուց թարգմանությունը՝ Լիլիթ ՀԱՎՈՐՑԱՆԻ

# ՄՈՒՐԲ ՄԱՐԳԻՍ ՉՈՐԱՎԱՐ

Սկիզբը՝ էջ 5


Բանավոր ավանդության մեջ սիրահար զույգերի կողմից սբ Սարգսին ուղղված հաճախակի հնչող աղերսական բանաձեռն է՝

*Մուրազատո՛ւ սուրբ Սարգիս, Դու հասնիս (տարբերակ՝ հասուն) մըր Երկուսիս:*

Երկտողը, որով սիրահարները խնդրում են իրենց սիրո փափագը կատարել կամ պարզապես իրենց միմյաց հասցնել, ընտանիք կազմելու համար է:

Սիրահարներին միմյանց հասցնելու այս բաղձանքն աղերսվում է սբ Սարգսից բանավոր ավանդության մեջ պատճառակցված (եթևոլոգիական) գրույցում: Ըստ այդ գրույցի՝ թշնամի թագավորը զորքով էլնում է ուռումի (հունաց) թագավորի վրա եւ վերջինիս նեղը զգում: Հույների թագավորը հայոց թագավորից օգնություն է խնդրում: Հայերից Սարգիս անունով մեկն իր զորքով հասնում է օգնության եւ մեծ քաջագործությունների գնով ազատում հույներին: Հույների թագավորը, վախենալով Սարգսի զորությունից, պատվի-

րում է վերջինիս զորքից կենդանի մացած քառասուն զինվորներից յուրաքանչյուրին տալ մի աղջիկ, նրանց գինովացնել եւ գիշերն այդ աղջիկների ձեռքով սպանել բոլորին: Կեսգիշերին 39 աղջիկ սպանում է 39 զինվորի՝ բացառությամբ Սարգսին բաժին ընկած աղջկա: Վերջինս, ափսոսալով զորավարին, կողքին նստած լաց է լինում. արցունքներն ընկնում են քնած Սարգսի դեմքին, նա արթնանում է եւ զարմացած հարցնում լացի պատճառը: Աղջիկը պատմում է եղելությունը եւ շտապեցնում Սարգսին միասին փախչել: Սարգիսն ու աղջիկը ծնկի են գալիս ու Աստված կանչում: Աստծո զորությամբ բուք ու քամի է բարձրանում, Սարգիսն աղջկան անում է իր բոզ ձիու գավակը, ձիով քաղաքի պարսպից դուրս թռչում ու միասին գալիս Հայաստան աշխարհը (Ա. Դանալան-



յան, Ավանդապատում, Եր., 1969, էջ 365-366):

Սրբի կողմից սիրահարներին իրենց մուրազին հասցնելու գործառնությունը ցայտուն արտահայ-

տություն է գտել «Աշուղ Ղարիբ» սիրավեպում, որի թիֆլիսյան տարբերակը 1885-ին հրատարակել էր Գեորգ Տեր-Աղեքսանդրյանը՝ իր «Թիֆլիսեցոց մտավոր կյանքը» ժողովածուում: Ըստ այդ տարբերակի՝ աղքատ Աշուղ Ղարիբը սիրում է մի հարուստ աղջկա՝ Շահսանամին: Վերջինս եւս սիրում է նրան, բայց հայրը հավանություն չի տալիս նրանց ամուսնությանը եւ մտադրվում է աղջկան ուրիշին տալ: Աշուղ Ղարիբը փող դատելու եւ հարստանալու նպատակով գնում է օտարություն: Հրաժեշտի ժամանակ խնդրում է աղջկան, որ յոթ տարի հետո, եթե չվերադառնա, թող ամուսնանա ուրիշի հետ: Յոթ տարի անց՝ վերադարձին, նա ուշանում է, վերջին օրվան հասնելու համար մի քանի օրվա ճանապարհ դեռեւս ուներ անց-

նելու: Հուսահատված նա սբ Սարգսին օգնության է կանչում: Վերջինս իսկույն հայտնվում է, Աշուղ Ղարիբին առնում ձիու գավակը եւ մի ակնթարթում հասցնում հայրենի քաղաք, եւ աշուղն ամուսնանում է Շահսանամի հետ:

Շարունակելի սևա ՊՈՂՈՅԱՆ

**ՔՐԻՍՏՈՆՅԱ ՀԱՅԱՍՏԱՆ**

Կրոնական, մշակութային, լրատվական երկշաբաթաթերթ

**Հիմնադիր՝**  
Մայր Աթոռ Սուրբ Էջմիածին

**Հրատարակիչ՝**  
«Քրիստոնյա Հայաստան» թերթի խմբագրություն

**Գլխավոր խմբագիր՝**  
Աստղիկ Ստամբոլյան

**Գրանցման վկայական՝ 624**  
**խմբագրության հասցեն՝**  
Մայր Աթոռ Սբ Էջմիածին

**Հեռախոս՝ 517197**

**Էլ.փոստ՝** gristhay@etchmiadzin.am  
astghikstam@gmail.com

**web կայք՝**  
krishayas.wordpress.com  
Ստոր. տպագր. 30.1.2017թ.

**Տպաքանակը՝ 2100**  
**Գինը՝ 50 դրամ**